



Келейное правило

Серафимо-Знаменскаго Скита.



Типография Казанской Амвросиевской женской Пустыни.
Шамордино, Калужской губернии.

1913 г.



Келейное правило


Серафимо-Знаменскаго Скита.

—  —
Благопочтливому Батюшке
О. Протоіерей Алексаю
Сотаниславскому и
моиу земляку старцу и
многоруководиу Св. Пашари

ТИПОГРАФІЯ КАЗАНСКОЙ АМБРОСТЕВСКОЙ ШАМОДИНСКОЙ ЖЕНСКОЙ ПУСТЫНИ.

КАЛУЖСКОЙ ГУБЕРНІИ.

20 Іюня 1880



Молитвы утреннія.

Во имя Отца, и Сына, и Святаго Духа. Аминь.

Господи, Иисусе Христе, Сыне Божій, помилуй мя грѣшную.

Господи, Иисусе Христе, Сыне Божій, молитвъ ради Пречистыя Твоея Матере и всѣхъ Святыхъ, помилуй насъ. Аминь.

Слава Тебѣ, Боже нашъ, слава Тебѣ.

Царю небесный, Утѣшителю, Душе истины, Иже вездѣ сый, и вся исполняяй, сокровище благихъ, и жизни подателю, прииди и вселися въ ны, и очисти ны отъ всякія скверны, и спаси, Блаже, души наша.

Святой Боже, Святой крѣпкій, Святой безсмертный, помилуй насъ. (Трижды).

Слава Отцу, и Сыну, и Святому Духу, и нынѣ, и присно, и во вѣки вѣковъ, аминь.

Пресвятая Троице, помилуй насъ; Господи, очисти грѣхи наша: Владыко, прости беззаконія наша: Святыи, посѣти и исцѣли немощи наша, имене Твоего ради.

Господи помилуй. (трижды).

Слава: и нынѣ:

Отче нашъ:

Воставше отъ сна, припадаемъ Ти, Блаже, и Ангельскую пѣснь вопіемъ Ти, Сильне: Святъ, Святъ, Святъ еси, Боже, Богородицею помилуй насъ.

Слава:

Отъ одра и сна воздвиглъ мя еси, Господи, умъ мой просвѣти и сердце, и устнѣ мои отверзи, во еже пѣти тя, Святая Троице: Святъ, Святъ, Святъ еси, Боже, Богородицею помилуй насъ.

И нынѣ:

Внезапно Судія приидетъ, и коегождо дѣянія обнажатся; но страхомъ зовемъ въ полунощи: Святъ, Святъ, Святъ еси, Боже, Богородицею помилуй насъ.

Господи помилуй. (12 разъ).

Отъ сна воставъ, благодарю Тя, Святая Троице, яко многія ради Твоя блгости и долготерпѣнія, не прогнѣвался еси на мя

лѣниваго и грѣшнаго, ниже погубилъ мя еси со беззаконьми моими, но челоуѣколюбовствоу валь еси обычно, и въ печаяніи лежащаго воздвиглъ мя еси, во еже утреневати и словословити державу Твою. И нынѣ просвѣти мои очи мысленныя, отверзи моя уста поучатися словесемъ Твоимъ, и разумѣти заповѣди Твоя, и творити волю Твою, и пѣти Тя во исповѣданіи сердечнѣмъ, и воспѣвати всесвятое имя Твое, Отца, и Сына, и Святаго Духа, нынѣ, и присно, и во вѣки вѣковъ, аминь.

Пріидите, поклонимся Царевѣ нашему Богу.

Пріидите, поклонимся и припадемъ Христу, Царевѣ нашему Богу.

Пріидите, поклонимся и припадемъ Самому Христу, Царевѣ и Богу нашему.

Помилуй мя, Боже, по величѣй милости Твоей, и по множеству щедротъ Твоихъ очисти беззаконіе мое. Наипаче омый мя отъ беззаконія моего, и отъ грѣха моего очисти мя: яко беззаконіе мое азъ знаю, и грѣхъ мой предо мною есть вину. Тебѣ единому согрѣшихъ, и лукавое предъ Тобою сотворихъ: яко да оправдишия во словесѣхъ Твоихъ, и побѣдиши внигда судити Ти. Се бо въ беззаконіихъ зачатъ есмь, и во грѣсѣхъ роди мя мати моя. Се бо истину возлюбилъ еси:

безвѣстная и тайная премудрости Твоея явилъ ми еси. Окропиши мя росомъ, и очищуся; омыеши мя, и паче снѣга убѣлюся. Слуху моему даси радость и веселіе: возрадуются кости смиренныя. Отврати лице Твое отъ грѣхъ моихъ, и вся беззаконія моя очисти. Сердце чисто созижди во мнѣ, Боже, и духъ правъ обнови во утробѣ моей. Не отвержи мене отъ лица Твоего, и Духа Твоего Святаго не отыми отъ мене. Воздаждь ми радость спасенія Твоего, и Духомъ Владычнимъ утверди мя. Научу беззаконныя путемъ Твоимъ, и нечестивіи къ Тебѣ обратятся. Избави мя отъ кровей, Боже, Боже спасенія моего: возрадуется языкъ мой правдѣ Твоей. Господи, устнѣ мои отверзени: и уста моя возвѣстятъ хвалу Твою. Яко аще бы восхотѣлъ еси жертвы, далъ быхъ убо: всесожеженія не благоволиши. Жертва Богу духъ сокрушенъ: сердце сокрушенно и смиренно Богъ не уничижитъ. Ублажи, Господи, благоволеніемъ Твоимъ Сіона, и да созиждутся стѣны Іерусалимскія. Тогда благоволиши жертву правды, возношеніе и всесожегаемая: тогда возложатъ на олтарь Твой тельцы.

Вѣрую во единого Бога Отца, Вседержителя, Творца небу и земли, видимымъ же всѣмъ

и невидимымъ. И во единого Господа Иисуса Христа, Сына Божія, единородного, Иже отъ Отца рожденнаго прежде всѣхъ вѣкъ, свѣта отъ свѣта, Бога истинна отъ Бога истинна, рожденна, несотворенна, единосущна Отцу, Имже вся быша. Насъ ради человѣкъ и нашего ради спасенія сшедшаго съ небесъ, и воплотившагося отъ Духа Свята, и Маріи Дѣвы, и вочеловѣчпаса. Распятаго же за ны, при Понтійстѣмъ Пилатѣ, и страдавша, и погребенна. И воскресшаго въ третій день по Писаніемъ. И возшедшаго на небеса, и сѣдѣща одесную Отца. И паки грядущаго со славою, судити живымъ и мертвымъ, Егоже царствію не будетъ конца. И въ Духа Святаго, Господа животворящаго, Иже отъ Отца исходящаго, Иже со Отцемъ и Сыномъ спокланяема и славима, глаголавшаго пророки. Во едину Святую, Соборную и Апостольскую Церковь. Исповѣдую едино крещеніе во оставленіе грѣховъ. Чаю воскресенія мертвыхъ: и жизни будущаго вѣка. Аминь.

Боже, очисти мя грѣшнаго, яко николиже сотворихъ благое предъ Тобою, но избави мя отъ лукаваго: и да будетъ во мнѣ воля Твоя, да неосужденно отверзу уста моя недостойная, и восхваляю имя Твое святое, От-

ца, и Сына, и Святаго Духа, нынѣ и присно, и во вѣки вѣковъ, аминь.

Отъ сна воставъ, полунощную пѣснь приношу Ти, Спасе, и припадая вошю Ти: не даждь ми уснути во грѣховнѣй смерти: но ущедри мя, расныйея волею, и лежащаго мя въ лѣности ускоривъ возстави, и спаси мя въ предстояніи и молитвѣ, и по снѣ нощнѣмъ возсіай ми день безгрѣшенъ, Христе Боже, и спаси мя.

Къ Тебѣ, Владыко Человѣколюбче, отъ сна воставъ прибѣгаю, и на дѣла Твоя подвизаюся милосердіемъ Твоимъ: молюся Тебѣ, помози мнѣ на всякое время, во всякой вещи, и избави мя отъ всякія мірскія злыя вещи, и діавольскаго посѣщенія, и спаси мя, и введи въ царство Твое вѣчное. Ты бо еси мой Сотворитель и всякому благу промысленикъ и податель: о Тебѣ же все упованіе мое, и Тебѣ славу возсылаю, нынѣ, и присно, и во вѣки вѣковъ, аминь.

Господи, иже многою Твоею благостію и великими щедротами Твоими, далъ еси мнѣ, рабу Твоему, мимошедшее время ночи сея безъ напасти прейти отъ всякаго зла противна: Ты самъ, Владыко, всяческихъ Творче,

сподоби мя истиннымъ Твоимъ свѣтомъ и просвѣщеннымъ сердцемъ творити волю Твою, нынѣ, и присно, и во вѣки вѣковъ, аминь.

Господи Вседержителю, Боже силъ и всякія плоти, въ вышнихъ живый, и на смиренныя призираяй, сердца же и утробы испытуяй, и сокровенная чловѣковъ явѣ предвѣдый, безначальный и присносущный свѣте, у Негоже нѣсть премѣненія, или преложенія осѣненіе: Самъ, безсмертный Царю, пріими моленія наша, яже въ настоящее время, на множество Твоихъ щедротъ дерзающе, отъ скверныхъ къ Тебѣ устенъ творимъ: и остави намъ прегрѣшенія наша, яже дѣломъ, и словомъ, и мыслию, вѣдѣніемъ или невѣдѣніемъ согрѣшенная нами: и очисти ны отъ всякія скверны плоти и духа, и даруй намъ бодреннымъ сердцемъ, и трезвенною мыслию всю настоящаго житія нощь прейти, ожидающимъ пришествія свѣтлаго и явленнаго дне едиnorodнаго Твоего Сына, Господа и Бога и Спаса нашего Іисуса Христа, вонъже со славою судія всѣхъ придетъ, комуждо отдати по дѣломъ его: да не падше и облѣнившеся, но бодрствующе, и воздвижени въ дѣланіе обрящемся готови, въ радость и божественный чертогъ славы Его совнидемъ, идѣже празд-

нующихъ гласъ непрестанный, и неизреченная сладость зрящихъ Твоего лица доброту неизреченную. Ты бо еси истинный свѣтъ, просвѣщаяй и освящаяй всяческая, и Тя поетъ вся тварь во вѣки вѣковъ, аминь.

Тя благословимъ, Вышній Боже и Господи милости, творящаго присно съ нами великая же и неизслѣдованная, славная же и ужасная, ихже нѣсть числа: подавнаго намъ сонъ во упокоснїе немощи нашея, и ослабленїе трудовъ многотрудныя плоти: благодаримъ Тя, яко не погубилъ еси насъ со беззаконїи нашими, но человѣколюбовалъ еси обычно, и въ нечаянїи лежащія ны воздвиглъ еси, во еже славословити державу Твою. Тѣмже молимъ безмѣрную Твою благодать, просвѣти наша мысли, очеса и умъ нашъ отъ тяжкаго сна лѣности возстави: отверзи наша уста, и исполни я Твоего хваленїя, яко да возможемъ непоколеблемо пѣти же и исповѣдаться Тебѣ во всѣхъ, и отъ всѣхъ славимому Богу, безначальному Отцу, со едиnorodнымъ Твоимъ Сыномъ, и всесвятымъ, и благимъ, и животворящимъ Твоимъ Духомъ, нынѣ, и присно, и во вѣки вѣковъ, аминь.

Воспѣваю благодать твою, Владычице, молю Тя, умъ мой облагодати, ступати право

мя настави путю Христовыхъ заповѣдей. Бдѣти къ грѣси укрѣни, унынія сонъ отгоняющи. Связана пленицами грѣхопадений, мольбами Твоими разрѣши, Богоневѣсто. Въ нощи мя и во дни сохраняй, борющихся врагъ избавляющи мя. Жизнодателя Бога рождающая, умерщвлена мя страстьми оживи. Яже свѣтъ невечерній рождающая, душу мою ослѣпшую просвѣти. О дивная владычня палато, домъ Духа божественна мене сотвори. Врача рождающая, уврачуй души моея многолѣтныя страсти. Волнующаяся житейскою бурей, ко стези мя покаянiя направи. Избави мя огня вѣчноющаго, и червія же злаго, и тартара: да мя не явиши бѣсомъ радованіе, иже многимъ грѣхомъ повинника. Нова сотвори мя обетшавшаго нечувственными, Пренепорочная, согрѣшеніи. Странна муки всякія покажи мя и всѣхъ Владыку умоли. Небесная ми улучити веселiя со всѣми святыми сподоби. Пресвятая Дѣво, услыши гласъ непотребнаго раба Твоего. Струю давай мнѣ слезамъ, Пречистая, души моея скверну очищающи. Стенанiя отъ сердца приношу Ти непрестанно, усердствуй, Владычице. Молебную службу мою прiими, и Богу благоутробному принеси. Превышшая ангелъ, мірскаго мя превышша слитiя сотвори. Свѣтоносная сѣне не-

бесная, духовную благодать во мнѣ направи. Ручѣ въздѣю, и устнѣ къ похваленію, осквернены скверною, Всенепорочная. Душетлѣнныхъ мя пакостей избави, Христа прилѣжно умоляющи: Емуже честь и поклоненіе подобаетъ, нынѣ и присно, и во вѣки вѣковъ, аминь.

Многомилостиве и всемилостиве Боже мой, Господи Іисусе Христе, многія ради любви спшелъ, и воплотился еси, яко да спасеши всѣхъ. И паки, Спасе, спаси мя по благодати, молю Тя. Аще бо отъ дѣлъ спасеши мя, нѣсть се благодать и даръ, но долгъ паче: ей, многій въ щедротахъ, и неизреченный въ милости. Вѣруай бо въ Мя, реклъ еси, о Христе мой, живъ будетъ, и не узритъ смерти во вѣки. Аще убо вѣра яже въ Тя, спасаетъ отчаянныя, се вѣрую, спаси мя, яко Богъ мой еси Ты и Создатель. Вѣра же вмѣсто дѣлъ да вмѣнится мнѣ, Боже мой, не възвещени дѣлъ отнюдь оправдающихъ мя. Но та вѣра моя да довлѣетъ вмѣсто всѣхъ, та да отвѣщаетъ, та да оправдитъ мя, та да покажетъ мя причастника славы Твоея вѣчныя. да не убо похититъ мя сатана, и похвалится, Слово, еже отторгнути мя отъ Твоея руки и ограды: Но или хочу, спаси мя, или не хочу, Христе Спасе мой, предвари скоро, скоро по-

гибохъ: Ты бо еси Богъ мой отъ чрева матери моей. Сподоби мя, Господи, нынѣ возлюбити Тя, якоже возлюбихъ иногда той самый грѣхъ, и паки поработати Тебѣ безлѣности тощно, якоже поработахъ прежде сатанѣ льстивому. Наипаче же поработаю Тебѣ, Господу и Богу моему Іисусу Христу, во вся дни живота моего, нынѣ и присно, и во вѣки вѣковъ, амишь.

Святый ангеле, предстояй окаянной моей души, и страстной моей жизни, не остави мене грѣшнаго, ниже отступи отъ мене за невоздержаніе мое: не даждь мѣста лукавому демону обладати мною насильствомъ смертнаго сего тѣлесе: укрѣпи бѣдствующую и худую мою руку, и настави мя на путь спасенія. Ей, святой Ангеле Божій, хранителю и покровителю окаянныя моей души и тѣла, вся мнѣ прости, еликими тя оскорбихъ во вся дни живота моего, и аще что согрѣшихъ въ прешедшую нощь сію, покрый мя въ настоящій день, и сохрани мя отъ всякаго искушенія противнаго, да ни въ коемъ грѣсѣ прогнѣваю Бога, и молися за мя ко Господу, да утвердитъ мя въ страхъ Своемъ, и достойна покажетъ мя раба Своея благодости. Аминь.

Пресвятая Владычице моя Богородице, святыми Твоими и всесильными мольбами, отжени отъ мене смиреннаго и окаяннаго раба Твоего, уныніе, забвеніе, неразуміе, перадѣніе, и вся скверная, лукавая и хульная помышленія, отъ окаяннаго моего сердца и отъ помраченнаго ума моего; и погаси пламень страстей моихъ, яко нищъ есмь и окаяннень; и избави мя отъ многихъ и лютыхъ воспоминаній и предпріятій, и отъ всѣхъ дѣйствъ злыхъ свободи мя: яко благословенна еси отъ всѣхъ родовъ, и славится пречестное имя Твое во вѣки вѣковъ. Аминь.

Каноны.

Покаянный ко Господу нашему Іисусу Христу, молебный
ко Пресвятѣй Богородицѣ и Ангелу Хранителю.

Гласъ 6. Пѣснь 1.

Ирмосъ: Яко по суху пѣшествовалъ Израиль,
по безднѣ стопами, гонителя Фараона видя потопляема,
Богу побѣдную пѣснь, поимъ, вопіаше.

Припѣвъ: *Помилуй мя, Боже, помилуй мя.*

Ныгѣ приступихъ азъ грѣшный и обремененный къ Тебѣ, Владыцѣ и Богу моему: не смѣю же взирати на небо, токмо молюся

глаголю: даждь ми, Господи, умъ, да плачуся дѣлъ моихъ горько.

Помилуй мя, Боже, помилуй мя.

О горе мнѣ грѣшному! наче всѣхъ чловѣкъ окаянень есмь, покаянія нѣсть во мнѣ: даждь ми, Господи, слезы, да плачуся дѣлъ моихъ горько.

Помилуй мя, Боже, помилуй мя.

Безумне, окаянне чловѣче, въ лѣности время губиши: помысли житіе твое, и обратися ко Господу Богу, и плачися о дѣлѣхъ твоихъ горько.

Пресвятая Богородице, спаси насъ.

Мати Божія пречистая, воззри на мя грѣшнаго, и отъ сѣти діаволи избави мя, и на путь покаянія настави мя, да плачуся дѣлъ моихъ горько.

Пресвятая Богородице, спаси насъ.

Многими содержимъ напастьми, къ Тебѣ прибѣгаю спасенія искій: о Мати Слова и Дѣво, отъ тяжкихъ и лютыхъ мя спаси.

Пресвятая Богородице, спаси насъ.

Страстей мя смущаютъ прилози, многого уныніа исполнити мою душу: умири, Отроковице, тишиною Сына и Бога Твоего, Всенепорочная.

Пресвятая Богородице, спаси насъ.

Спаса рождшую Тя и Бога, молю, Дѣво, избавитися ми лютыхъ: къ Тебѣ бо нынѣ прибѣгая, простираю и душу и помышленіе.

Пресвятая Богородице, спаси насъ.

Недугующа тѣломъ и душею, посѣщенія Божественнаго и промышленія отъ Тебѣ сподоби, едина Богомати, яко Благаго же родительница.

Иисусе Сладчайшій, спаси насъ.

Пѣснь воспѣти и восхвалити, Спасе, Твоего раба достойно сподоби безплотному Ангелу, наставнику и хранителю моему.

Святый Ангеле, хранителю мой, моли Бога о мнѣ.

Единъ азъ въ неразуміи и въ лѣности нынѣ лежу, наставниче мой и хранителю, не остави мене погибающа.

Слава:

Умъ мой твоею молитвою направи, творити ми Божія повелѣнія, да получу отъ Бога отданіе грѣховъ, и ненавидѣти ми злыхъ настави мя, молюся Ти.

И нынѣ:

Молися, Дѣвице, о мнѣ рабѣ твоємъ ко Благодателю, со хранителемъ моимъ Ангеломъ, и настави мя творити заповѣди Сына твоего и Творца моего.

Пѣснь 3.

Нѣсть святъ, якоже Ты, Господи Боже мой, вознесый рогъ вѣрныхъ Твоихъ, блаже, и утвердивый насъ на камени исповѣданія Твоего.

Помилуй мя, Боже, помилуй мя.

Внегда поставлени будутъ престоли на судищи страпнѣмъ, тогда всѣхъ чловѣкъ дѣла обличатся, горе тамо будетъ грѣшнымъ въ муку отсылаемымъ: и то вѣдуши, душе моя, покайся отъ злыхъ дѣлъ твоихъ.

Помилуй мя, Боже, помилуй мя.

Праведницы возрадуются, а грѣшніи восплачутся, тогда никтоже возможетъ помощи намъ, но дѣла наша осудятъ насъ: тѣмже прежде конца покайся отъ злыхъ дѣлъ твоихъ.

Помилуй мя, Боже, помилуй мя.

Увы мнѣ, великогрѣшному, иже дѣлы и мыслями осквернився, ни капли слезъ имѣю отъ жестосердія: нынѣ возникни отъ земли, душе моя, и покайся отъ злыхъ дѣлъ твоихъ.

Пресвятая Богородице, спаси насъ.

Се взываетъ, Госпоже, Сынъ Твой и поучаетъ насъ на доброе, азъ же грѣшный добра всегда бѣгаю: но Ты, милостивая, помилуй мя, да покаюся отъ злыхъ моихъ дѣлъ.

Пресвятая Богородице, спаси насъ.

Предстательство и покровъ жизни моя,

полагаю Тя, Богородительнице Дѣво, Ты мя окорми ко пристанищу Твоему, благихъ виновна, вѣрныхъ утверждение, едина Всепѣтая.

Пресвятая Богородице, спаси насъ.

Молю, Дѣво, душевное смущение, и печали моя бурю разорити: Ты бо, Богоневѣстная, начальника тишины Христа родила еси, едина Пречистая.

Пресвятая Богородице, спаси насъ.

Благодѣтеля рождши добрыхъ виновнаго, благодѣнія богатство веѣмъ источи: вся бо можеша, яко сильнаго въ крѣпости Христа рождши, Богоблаженная.

Пресвятая Богородице, спаси насъ.

Лютыми недуги, и болѣзненными страстьми стязаему, Дѣво. Ты ми помози: исцѣлений бо неоскудное Тя знаю сокровище, Пренепорочная, неизживаемое.

Святый Ангеле, хранителю мой, моли Бога о мнѣ.

Все помышление мое и душу мою къ тебѣ возложихъ, хранителю мой: ты отъ всякія мя напасти вражія избави.

Святый Ангеле, хранителю мой, моли Бога о мнѣ.

Врагъ попираетъ мя и озлобляетъ, и поучаетъ всегда творити своя хотѣнія: но ты, наставниче мой, не остави мене погибающа.

Слава:

Пѣти пѣснь со благодареніемъ и усердіемъ Творцу и Богу даждь ми, и тебѣ благому Ангелу хранителю моему: избавителю мой, изми мя отъ врагъ озлобляющихъ мя.

И нынѣ:

Исцѣли, Пречистая, моя многонедужныя струпы, и яже въ души прожени враги, иже присно борются со мною.

Господи помилуй 3 раза:

Сѣдалень, гласъ 6.

Помышляю день страшный, и плачуся дѣяніи моихъ лукавыхъ, како отвѣщаю безсмертному Царю? или коимъ дерзповеніемъ воззрю на судію, блудный азъ? благоутробный Отче, Сыне единородный и Душе Святой, помилуй мя.

Слава:

Отъ любви душевныя вопію ти, хранителю моея души, всесвятый мой Ангеле, покрый мя и соблюди отъ лукаваго ловленія всегда, и къ жизни настави небеснѣй, вразумляя и просвѣщая и укрѣпляя мя.

И нынѣ:

Предстательство христіанъ непостыдное, ходатайство ко Творцу непреложное, не презри грѣшныхъ моленій гласы, но предвари,

яко Благая на помощь насъ, вѣрно зовущихъ Ти: ускори на молитву, и потщися на умоленіе, предстательствующи присно, Богородице, чтущихъ Тя.

Пѣснь 4.

Христосъ моя сила, Богъ и Господь, честная Церковь боголѣпно поетъ взывающи, отъ смысла чиста, о Господѣ празднующи.

Помилуй мя, Боже, помилуй мя.

Широкъ путь здѣ и угодный сласти творити, но горько будетъ въ послѣдній день, егда душа отъ тѣла разлучатися будетъ: блюдиися отъ сихъ, человекѣ, царствія ради Божія.

Помилуй мя, Боже, помилуй мя.

Почто убогаго обидиши, мзду наемничу удержиши, брата твоего не любиши, блудъ и гордость гониши? остави убо сія, душе моя, и покайся царствія ради Божія.

Помилуй мя, Боже, помилуй мя.

О безумный человекѣ! доколѣ углѣбаеши, яко пчела, собирающи богатство твое? вскорѣ бо погибнетъ яко прахъ и пепель: но болѣе възыщи царствія Божія.

Пресвятая Богородице, спаси насъ.

Госпоже Богородице, помилуй мя грѣшнаго, и въ добродѣтели укрѣпи, и соблюди мя, да наглая смерть не похититъ мя неготоваго, и доведи мя, Дѣво, царствія Божія.

Пресвятая Богородице, спаси насъ.

Страстей моихъ смущеніе, кормчію рождающая Господа, и бурю утѣши моихъ прегрѣшеній, Богоневѣстная.

Пресвятая Богородице, спаси насъ.

Милосердія Твоего бездну призывающу подаждь ми, яже благосердаго рождающая, и Спаса всѣхъ поющихъ Тя.

Пресвятая Богородице, спаси насъ.

Наслаждающесея, Пречистая, Твоихъ дарованій, благодарственное воспѣваемъ пѣніе, вѣдущи Тя Богоматерь.

Пресвятая Богородице, спаси насъ.

На одрѣ болѣзни моя, и немощи низлежащу ми, яко благолюбива, помози, Богородице, едина Приснодѣво.

Пресвятая Богородице, спаси насъ.

Надежду и утверженіе, и спасенія стѣну недвижиму, имуще Тя, Всепѣтая, неудобства всякаго избавляемсея.

Святый Ангеле, хранителю мой, моли Бога о мнѣ.

Моли челолюбца Бога, ты хранителю мой, и не остави мене: но присно въ мирѣ житіе мое соблюди и подаждь ми спасеніе неборимое.

Святый Ангеле, хранителю мой, моли Бога о мнѣ.

Яко заступника и хранителя животу мо-

ему, пріемъ ты отъ Бога, Ангеле, молю ты,
Святыи, отъ всякихъ мя бѣдъ свободи.

Слава:

Мою скверность твоею святынею очисти,
хранителю мой, и отъ части шуія да отлуче-
чь буду молитвами твоими, и причастникъ
славы явлюся.

И нынѣ:

Недоумѣніе предлежитъ ми отъ обышед-
шихъ мя золь, Пречистая, но избави мя отъ
нихъ скоро: къ Тебѣ бо единой прибѣгохъ.

Пѣснь 5.

Божіимъ свѣтомъ Твоимъ, Блаже, утреннюющихъ
Ти души любовію озари, молюся: Тя вѣдѣти, Слове Божій,
истиннаго Бога, отъ мрака грѣховнаго зывающа.

Помилуй мя, Боже, помилуй мя.

Воспомяни, окаянный человекъ, како
лжамъ, клеветамъ, разбою, немощемъ, лю-
тымъ звѣремъ, грѣховъ ради порабощень еси:
душе моя грѣшная, того ли восхотѣла еси?

Помилуй мя Боже, помилуй мя.

Трепещутъ ми уди, веѣми бо сотворихъ
вину: очима взираяи, ушима слышай, язы-
комъ злая глаголяи: весего себе гоненнѣ пре-
даой: душе моя грѣшная, сего ли восхотѣла
еси?

Помилуй мя, Боже, помилуй мя.

Блудника и разбойника кающася пріяль

еси, Спасе: азъ же единъ лѣностію грѣхвою отягчихся и злымъ дѣломъ поработихся: душе моя грѣшная, сего ли восхотѣла еси?

Пресвятая Богородице, спаси насъ.

Дивная и скорая помощнице веѣмъ человекомъ, Мати Божія, помози мнѣ недостойному, дуна бо моя грѣшная того восхотѣ.

Пресвятая Богородице, спаси насъ.

Исполни, Чистая, веселія сердце мое, Твою нетлѣнную даючи радость, веселія рождшая виновнаго.

Пресвятая Богородице, спаси насъ.

Избави насъ отъ бѣдъ, Богородице Чистая, вѣчное рождши избавленіе, и миръ, всякъ умъ преимущій.

Пресвятая Богородице, спаси насъ.

Разрѣши мглу прегрѣшеній моихъ, Богоневѣсто, просвѣщеніемъ Твоея свѣтлости, свѣтъ рождшая Божественный и превѣчный.

Пресвятая Богородице, спаси насъ.

Исцѣли, Чистая, души моя неможеніе, посѣщенія Твоего сподобльшая, и здравіе молитвами Твоими подаждь ми.

Святый Ангеле, хранителю мой, моли Бога о мнѣ.

Яко имѣя дерзновеніе къ Богу, хранителю мой святый, сего умоли, отъ оскорбляющихъ мя золь избавити.

Святый Ангеле, хранителю мой, моли Бога о мнѣ.

Свѣте свѣтлый, свѣтло просвѣти душу мою, наставниче мой и хранителю, отъ Бога данный ми Ангеле.

Слава:

Спяща мя злѣ тяготою грѣховною, яко бдяща сохрани, Ангеле Божій, и возстави мя на славословіе моленіемъ твоимъ.

И нынѣ:

Маріе, Госпоже Богородице безневѣстная, надежде вѣрныхъ, вражія возношенія низложи, а поющія Тя возвесели.

Пѣснь 6.

Житейское море воздвизасмое зря напастей бурею къ тихому пристанищу Твоему притекъ, вопію Ти: возведи отъ тли животь мой, Многомилостиве.

Помилуй мя, Боже, помилуй мя.

Житіе на земли блудно пожихъ и душу во тму предахъ, нынѣ убо молю Тя, милостивый Владыко: свободи мя отъ работы сея вражія, и даждь ми разумъ творити волю Твою.

Помилуй мя, Боже, помилуй мя.

Кто творить таковая якоже азъ? якоже бо свинія лежитъ въ калу, тако и азъ грѣху служу: но Ты, Господи, исторгни мя отъ гнуса сего, и даждь ми сердце творити заповѣди Твоя.

Помилуй мя, Боже, помилуй мя.

Восприяни, окаянный человекъ, къ Богу, вспомянувъ своя согрѣшенія, припадая ко Творцу, слезя и стѣня: Тойже яко милосердъ, дасть ти умъ знати волю Свою.

Пресвятая Богородице, спаси насъ.

Богородице Дѣво, отъ видимаго и невидимаго зла сохрани мя, Пречистая, и приими молитвы моя и донеси я Сыну Твоему, да дасть ми умъ творити волю Его.

Пресвятая Богородице, спаси насъ.

Смерти и тли, яко спасль есть, Самъ Ся издавъ смерти, тлѣніемъ и смертію мое естество ято бывшее, Дѣво, моли Господа и Сына Твоего, враговъ злодѣйствія мя избавити.

Пресвятая Богородице, спаси насъ.

Предстательницу Тя живота вѣмъ, и хранительницу тверду, Дѣво, и напастей рѣшащу молвы, и налоги бѣсовъ отгоняющую; и молюся всегда отъ тли страстей моихъ избавити мя.

Пресвятая Богородице, спаси насъ.

Яко стѣну прибѣжища стяжахомъ, и душъ всесовершенное спасеніе, и пространство въ скорбехъ, Отроковице, и просвѣщеніемъ Твоимъ присно радуемся, о Владычице, и нынѣ насъ отъ страстей и бѣдъ спаси.

Пресвятая Богородице, спаси насъ.

На одрѣ пылъ немощствуяй лежу, и
нѣсть исцѣленія плоти моей; но Бога и Спаса
міру, Избавителя недуговъ рождшая, Тебѣ
молюся благой: отъ тли недуговъ возстави мя.

Святый Ангеле, хранителю мой, моли Бога о мнѣ.

Всякихъ мя напастей свободы, и отъ пе-
чалей спаси, молюся ти, Святый Ангеле,
даный ми отъ Бога, хранителю мой добрый.

Святый Ангеле, хранителю мой, моли Бога о мнѣ.

Освѣти умъ мой, блаже, и просвѣти мя,
молюся ти, Святый Ангеле, и мысли ти
полезная всегда настави мя.

Слава:

Устави сердце мое отъ настоящаго мяте-
жа, и бдѣти укрѣпи мя во благихъ, хранителю
мой, и настави мя чудно къ тишинѣ животнѣй.

И нѣтъ:

Слово Божіе въ Тя вселися, Богородице,
и человѣкомъ Тя показа небесную лѣствицу:
Тобою бо къ намъ Вышній сошелъ есть.

Акаѳистъ сладчайшему Господу
нашему Іисусу Христу.

Кондакъ I.

Возбранный Воеводо и Господи, ада Побѣдителю, яко избавлься отъ вѣчныя смерти, похвальная восписую Ти, созданіе и рабъ Твой, но яко имѣяи милосердіе неизреченное, отъ всякихъ мя бѣдъ свободи, зовуща: Іисусе, Сыне Божій, помилуй мя.

Икосъ I.

Ангеловъ Творче, и Господи силъ, отверзи ми недоумѣнный умъ и языкъ на похвалу пречистаго Твоего имени, якоже глухому и гугнивому древле слухъ и языкъ отверзль еси, и глаголаше зовый таковая: Іисусе пречудный, Ангеловъ удивленіе, Іисусе пресильный, прародителей избавленіе; Іисусе пресладкій, патріарховъ величаніе, Іисусе преславный, царей укрѣпленіе; Іисусе прелюбимый, пророковъ исполненіе, Іисусе предивный, мучениковъ крѣпосте; Іисусе претихій, монаховъ радости, Іисусе премилостивый, пресвитеровъ сладосте; Іисусе премилосердый, постниковъ воздержаніе, Іисусе пресладостный, преподобныхъ радованіе; Іисусе

пречестный, дѣвственныхъ цѣломудріе, Іисусе предвѣчный, грѣшниковъ спасеніе. Іисусе, Сыне Божій, помилуй мя.

Кондакъ 2.

Видя вдовицу зѣльнѣ плачущую, Господи, якоже бо тогда умилосердився, сына ея на погребеніе несомъ воскресилъ еси: сице и о мнѣ умилосердися, человѣколюбче, и грѣхами умерщвленную мою душу воскреси, зовущую: аллилуіа.

Икосъ 2.

Разумъ неурзумѣнный разумѣти Филиппъ ища, Господи, покажи намъ Отца, глаголаше; Ты же къ нему: толикое время съи со Мною, не позналъ ли еси, яко Отецъ во Мнѣ, и Азъ во Отцѣ семъ? тѣмже, неизслѣдованне, со страхомъ зову Ти: Іисусе, Боже предвѣчный, Іисусе, Царю пресильный: Іисусе, Владыко долготерпѣливый, Іисусе, Спасе премилостивый; Іисусе, хранителю мой преблагій, Іисусе, очисти грѣхи моя; Іисусе, отъими беззаконія моя, Іисусе, отпусти неправды моя; Іисусе, надеждо моя, не остави мене, Іисусе, помощниче мой, не отрини мене, Іисусе, Создателю мой, не забуди мене, Іисусе, пастырю мой, не погуби мене. Іисусе, Сыне Божій, помилуй мя.

Кондакъ 3.

Силою свыше Апостолы облекій, Иисусе во Иерусалимѣ сѣдящія, облецы и мене, обнаженнаго отъ всякаго благотворенія, теплоотою Духа Святаго Твоего, и даждь ми съ любовію пѣти Тебѣ: аллилуіа.

Икосъ 3.

Имѣяй богатство милосердія, мытари и грѣшники, и несправедливыя, призвалъ еси, Иисусе, не презри и мене нынѣ подобнаго имъ, но яко многоцѣнное муро, приими грѣшника сію: Иисусе, сило непобѣдимая, Иисусе, милосте безконечная; Иисусе, красото пресвѣтлая, Иисусе, любви неизреченная; Иисусе, Сыне Бога живаго, Иисусе, помилуй мя грѣшнаго; Иисусе, услыши мя въ беззаконіихъ зачатаго, Иисусе, очисти мя во грѣсѣхъ рожденнаго; Иисусе, научи мя непотребнаго, Иисусе, освѣти мя темнаго; Иисусе, очисти мя сквернаго, Иисусе, возведи мя блуднаго. Иисусе, Сыне Божій, помилуй мя.

Кондакъ 4.

Бурю внутрь имѣяй помышлений сумнительныхъ, Петръ утопаше; узрѣвъ же во плоти Тя суща, Иисусе, и по водамъ ходяща, позна Тя Бога истиннаго, и руку спасенія получивъ, рече: аллилуіа.

Икосъ 4.

Слыша слѣпый мимоходяща Тя, Господи, путемъ, вопіяше: Іисусе, сыне Давидовъ, помилуй мя! и призвавъ, отверзлъ еси очи его; просвѣти убо милостію Твоею очи мысленныя сердца и мене, вопіюща Ти и глаголюща: Іисусе, вышнихъ создателю, Іисусе, нижнихъ искупителю; Іисусе, пренеподнихъ потреби-телю, Іисусе, всея твари украсителю; Іисусе, души моя утѣшителю, Іисусе ума моего просвѣтителю; Іисусе, сердца моего веселіе, Іисусе, тѣла моего здравіе; Іисусе, спасе мой, спаси мя, Іисусе, свѣте мой, просвѣти мя; Іисусе муки всякія избави мя, Іисусе, спаси мя недостойнаго. Іисусе, Сыне Божій, помилуй мя.

Кондакъ 5.

Боготочною кровію, якоже искупилъ еси насъ древле отъ законныя клятвы, Іисусе: сице изми насъ отъ сѣти, еюже змій занятыи страстьми плотскими и блуднымъ наважденіемъ, и злымъ уныніемъ, вопіющія Ти: аллилуіа.

Икосъ 5.

Видѣвше отроцы Еврейстіи, во образѣ челоуѣчестѣмъ, создавшаго рукою челоуѣка, и Владыку разумѣвше Его, потщашася вѣтвь-

ми угодити Ему, осанна вопіюще; мы же пѣснь приносимъ Ти, глаголюще: Исусе, Боже истинный, Исусе, Сыне Давидовъ; Исусе, царю преславный, Исусе, агнче непорочный; Исусе, пастырю предивный, Исусе, хранителю во младости моей; Исусе, кормителю въ юности моей, Исусе, похвало въ старости моей; Исусе, надеждо въ смерти моей, Исусе, животе по смерти моей; Исусе, утѣшеніе мое на судѣ твоёмъ, Исусе, желаніе мое, не посрами мене тогда. Исусе, сыне Божій помилуй мя.

Кондакъ 6.

Проповѣдникъ Богоносныхъ вѣщаніе и глаголы исполняя, Исусе, на земли явлься, и съ челоуѣки невмѣстимый пожилъ еси, и болѣзни наша подъялъ еси; отнюдуже ранами Твоими мы исцѣлѣвши, пѣти навыхомъ: аллилуія.

Икосъ 6.

Возсія вселеннѣй просвѣщеніе истины Твоя, и отгнася лествь бѣсовская: идоли бо, Спасе нашъ, не терпяще Твоя крѣпости, падоша; мы же, спасеніе получивше, вопіемъ Ти: Исусе, истинно, лествь отгоняющая, Исусе, свѣте, превышшій всѣхъ свѣтлостей; Исусе, царю, премогай всѣхъ крѣпости, Исусе, Боже, пребывай въ милости; Исусе, хлѣбе

животный, насыти мя алчущаго, Иисусе, источниче разума, напои мя жаждущаго; Иисусе, одеждо веселія, одѣй мя тлѣннаго, Иисусе, покрове радости, покрый мя недостойнаго; Иисусе, подателю просящимъ, даждь ми плачь за грѣхи моя, Иисусе, обрѣтеніе ищущихъ, обрящи душу мою; Иисусе, отверзителю толкующимъ, отверзи сердце мое окаянное, Иисусе, искупителю грѣшныхъ, очисти беззконія моя. Иисусе, Сыне Божій, помилуй мя.

Кондакъ 7.

Хотя сокровенную тайну отъ вѣка отрыти, яко овча на заколеніе веденъ былъ еси, Иисусе, и яко агнецъ прямо стригущаго его безгласенъ: и яко Богъ изъ мертвыхъ воскреслъ еси, и со славою на небеса вознеслея еси, и насъ совоздвиглъ еси, зовущихъ: аллилуіа.

Икосъ 7.

Дивную показа тварь, явлейся Творецъ намъ, безъ сѣмене отъ Дѣвы воплотися, изъ гроба печати не рушивъ воскресе, и ко Апостоломъ дверемъ затвореннымъ съ плотію вниде; тѣмже чудящеся воспоимъ: Иисусе, Слове необыменный, Иисусе, Слове несоглядимый; Иисусе, сило непостижимая, Иисусе, мудросте педомыслимая; Иисусе, Божество

неописанное, Иисусе, Господство неисчетное; Иисусе, царство непобѣдимое, Иисусе, владычество безконечное; Иисусе, крѣпосте высочайшая, Иисусе, власти вѣчная; Иисусе, Творче мой, ущедри мя, Иисусе, Спасе мой, спаси мя. Иисусе, Сыне Божій, помилуй мя.

Кондакъ 8.

Страшно Бога вочеловѣчшася видяще, устранимся суетнаго міра, и умъ на божественная возложимъ; сего бо ради Богъ на землю сниде, да насъ на небеса возведетъ, вопіющихъ Ему: аллилуіа.

Иносъ 8.

Весь бѣ въ нижнихъ, и вышнихъ никакоже отступи неисчетный: егда волею насъ ради пострада, и смертію своею нашу смерть умертви и воскресеніемъ животь дарова поющимъ: Иисусе, сладосте сердечная, Иисусе, крѣпосте тѣлесная; Иисусе, свѣтлосте душевная, Иисусе, быстрото умная; Иисусе, радосте совѣстная, Иисусе, надеждо извѣстная; Иисусе, памяти предвѣчная, Иисусе, похвало высокая; Иисусе, славо моя превознесенная, Иисусе, желаніе мое, не отрини мене; Иисусе, пастырю мой, взыщи мене, Иисусе, Спасе мой, спаси мене. Иисусе, Сыне Божій, помилуй мя.

Кондакъ 9.

Все естество ангельское безпрестани славить пресвятое имя Твое, Иисусе, на небеси, святъ, святъ, святъ, вошюще: мы же грѣшніи, на земли бранными устнами вопіемъ: аллилуіа.

Икосъ 9.

Вѣтія многовѣщанная, якоже рыбы безгласная, видимъ о Тебѣ, Иисусе Спасе нашъ; недоумѣють бо глаголати, како Богъ непреложный, и челоуѣкъ совершенный пребываеши, мы же таинству дивящеся, вопіемъ вѣрно: Иисусе, Боже предвѣщый, Иисусе, Царю царствующихъ; Иисусе, Владыко владѣющихъ, Иисусе, Судіе живыхъ и мертвыхъ; Иисусе, надеждо ненадежныхъ, Иисусе, утѣшеніе плачущихъ; Иисусе, славо нищихъ, Иисусе, не осуди мя по дѣломъ моимъ; Иисусе, очисти мя по милости Твоей, Иисусе, отъжени отъ мене уныніе; Иисусе, просвѣти моя мысли сердечныя, Иисусе, даждь ми память смертнующю. Иисусе, Сыне Божій, помилуй мя.

Кондакъ 10.

Спасти хотя міръ, восточе востокомъ, къ темному западу естеству нашему пришедъ, смирился еси до смерти; тѣмже превознесся

имя Твое паче всякаго имени, и отъ всѣхъ колѣнъ небесныхъ и земныхъ слышиши: аллилуіа.

Икосъ 10.

Царю превѣчный, утѣшителю Христе истинный, очисти ны отъ всякія скверны, якоже очистилъ еси десять прокаженныхъ: и исцѣли ны, якоже исцѣлилъ еси сребролюбивую душу Закхея мытаря, да вопіемъ Ти, во умиленіи зовуще: Исусе, сокровище нетлѣнное, Исусе, богатство неистощимое; Исусе, пище крѣпкая, Исусе, питіе неисчерпаемое; Исусе, нищихъ одѣяніе, Исусе, вдовъ заступленіе; Исусе сирыхъ защитниче, Исусе, труждающихся помощи; Исусе, странныхъ наставниче, Исусе, плавающихъ кормчій; Исусе, бурныхъ отишіе, Исусе Боже, воздвигни мя падшаго. Исусе, Сыне Божій, помилуй мя.

Кондакъ 11.

Гѣніе всеумиленное приношу Ти недостойный, вопію Ти яко хананея: Исусе, помилуй мя! не дочь бо, но плоть имамъ страстьми лютѣ бѣсящуюся, и яростию палимую, и исцѣленіе даждь вопіюще Ти: аллилуіа.

Икосъ 11.

Свѣтоподательна свѣтильника, сущимъ во тмѣ неразумія, прежде гоняй Тя Павель,

богоразумнаго гласа силу внуши, и душевную быстроту уясни; сице и мене темныя зѣницы душевныя просвѣти, зовуща: Исусе, Царю мой прекрѣпкій, Исусе, Боже мой пресильный; Исусе, Господи мой пребезсмертный, Исусе, создателю мой преславный; Исусе, наставниче мой предобрый, Исусе, пастырю мой прещедрый; Исусе, владыко мой премилостивый, Исусе, Спасе мой премилосердый; Исусе, просвѣти моя чувствія потемненная страстьми, Исусе, исцѣли мое тѣло острупленнос грѣхами; Исусе, очисти мой умъ отъ помысловъ суетныхъ, Исусе, сохрани сердце мое отъ похотей лукавыхъ. Исусе, Сыне Божій, помилуй мя.

Кондакъ 12.

Благодать подаждь ми всѣхъ долговъ рѣшителю, Исусе, и приими мя кающася, якоже пріялъ еси Петра отвергшагося Тебѣ; и призови мя унывающаго, якоже древле Павла гоняща Тя, и услыши мя вопіюща Ти: аллилуіа.

Икосъ 12.

Поюще твое вочеловѣченіе, восхваляемъ Тя вси, и вѣруемъ со Ѳомою, яко Господь и Богъ еси, сѣдѣи со Отцемъ, и хотяи судити живымъ и мертвымъ; тогда убо сподоби

мя деснаго стоянія, вопіющаго: Іисусе, Царю предвѣчный, помилуй мя, Іисусе, цвѣте благо-
вонный, облагоухай мя; Іисусе, теплою люби-
мая, огрѣй мя, Іисусе, храме предвѣчный, по-
крый мя; Іисусе, одеждо свѣтлая, украси мя, Іи-
сусе, бисере честный, осіяй мя; Іисусе, каменю
драгій, просвѣти мя, Іисусе, солнце правды,
освѣти мя; Іисусе, свѣте святой, облистай
мя, Іисусе, болѣзни душевныя и тѣлесныя
избави мя; Іисусе, изъ руки сопротивныя
изми мя, Іисусе, огня неугасимаго, и прочихъ
вѣчныхъ мукъ свободи мя. Іисусе, Сыне Бо-
жій, помилуй мя.

Кондакъ 13.

О пресладкій и всецѣдый Іисусе! прими
нынѣ малое моленіе сіе наше, якоже пріялъ
еси вдовицы два лѣнта, и сохрани достояніе
Твое отъ врагъ видимыхъ и невидимыхъ,
отъ нашествія иноплеменикъ, отъ недуга и
гиада, отъ всякія скорби, и смертоносныя
раны, и грядущія изми муки всѣхъ, вопію-
щихъ Ти: аллилуіа.

Сей кондакъ глаголи трижды.

И паки четется 1-й икосъ: Ангеловъ Творче;

И паки кондакъ 1-й: Возбранный Воеводо.

Акаѳистъ Пресвятѣй Богородицѣ.

Кондакъ I.

Взбранной Воеводѣ побѣдительная, яко избавльшеся отъ злыхъ, благодарственная восписуемъ Ти раби Твои, Богородице; но яко имущая державу непобѣдимую, отъ всякихъ насъ бѣдь свободи, да зовемъ Ти: радуйся, Невѣсто ценевѣстная.

Икосъ I.

Ангель предстатель съ небесе посланъ бысть рещи Богородицѣ: радуйся! и со безплотнымъ гласомъ воплощаема Тя зря, Господи, ужасашеся, и стояше зовый къ Ней таковая: радуйся, Еюже радость возсіяетъ, радуйся, Еюже клятва исчезнетъ; радуйся, надшаго Адама воззваніе, радуйся, слезъ Евиныхъ избавленіе; радуйся, высоту неудобовосходимая человѣческими помыслы, радуйся, глубино неудобозримая и ангельскима очима; радуйся, яко еси Царево сѣдалище, радуйся, яко носиши носящаго вся; радуйся, звѣздо, являющая солнце, радуйся, утробо божественнаго воплощенія; радуйся, Еюже обновляется тварь, радуйся, Еюже поклоняемся Творцу. Радуйся, Невѣсто неневѣстная.

Кондакъ 2.

Видящи святая Себе въ чистотѣ, глаголетъ Гавріилу дерзостно: преславное твоего гласа, неудобопрiятельно души моей является; безсѣменнаго бо зачатiя рождество како глаголеши, зовый: аллилуiа.

Икосъ 2.

Разумъ недоразумѣваемый разумѣти Дѣва ищущи, возопи къ служащему: изъ боку чисту, Сыну како есть родитися мощно, рцы Ми? къ Нейже онъ рече со страхомъ, обаче зовый сице: радуйся, совѣта неизреченнаго таиннице, радуйся, молчанiя просящихъ вѣро; радуйся, чудесъ Христовыхъ начало, радуйся, вѣлѣній Его главизно; радуйся, лѣствице небесная, еюже сниде Богъ, радуйся, мосте преводяй сущихъ отъ земли на небо; радуйся, Ангеловъ многословующее чудо, радуйся, бѣсовъ многоплачевное поражение; радуйся, свѣтъ неизреченно родившая, радуйся, еже како, ни единого же научившая; радуйся, премудрыхъ превосходящая разумъ, радуйся, вѣрныхъ озаряющая смыслы. Радуйся, Невѣсто ненеѣстная.

Кондакъ 3.

Сила Вышняго осѣни тогда къ зачатiю браконейскусную, и благошлюдная тоя ло-

жесна, яко село показа сладкое веѣмь хотящимъ жати спасеніе, внегода пѣти сице: аллилуія.

Икосъ 3.

Имущи богопріятную Дѣва утробу, восече ко Елисавети: младенецъ же оная абіе познавъ сея цѣлованіе, радовашеся, и игранными яко пѣсньми вопіяне къ Богородицѣ: радуйся, отрасли неувядаемыя розго, радуйся, плода безсмертнаго стяжаніе; радуйся, дѣлателя дѣлающая человѣколюбца, радуйся, садителя жизни нашея рождшая; радуйся, ниво, растящая гобзованіе щедроть, радуйся, трапезо, носящая обиліе очищенія; радуйся, яко рай пищный процвѣтаеши, радуйся, яко пристанище душамъ готовиши; радуйся, пріятное молитвы кадило, радуйся, всего міра очищеніе; радуйся, Божіе къ смертнымъ благоволеніе, радуйся, смертныхъ къ Богу дерзновеніе. Радуйся, Невѣсто нене-вѣстная.

Кондакъ 4.

Бурю внутрь имѣяй помышленій сумнительныхъ, цѣломудренный Іосифъ смятеся къ Тебѣ зря небрачнѣй, и бракоокрадованную помышляя, непорочная: увѣдѣвъ же Твое зачатіе отъ Духа Свята, рече: аллилуія.

Икосъ 4.

Слышала пастырие Ангеловъ поющихъ плотское Христово пришествіе, и текше яко къ пастырю, видятъ сего яко агнца непорочна, во чревѣ Маринѣ упасшася, юже поюще рѣша: радуйся, агнца и пастыря Мати, радуйся, дворе словесныхъ овецъ; радуйся, невидимыхъ враговъ мученіе, радуйся, райскихъ дверей отверженіе; радуйся, яко небесная срадуются земнымъ, радуйся, яко земная сликуются небеснымъ; радуйся, Апостоловъ немолчная уста, радуйся, страсто-терпецъ непобѣдимая дерзосте: радуйся, твердое вѣры утвержденіе, радуйся, свѣтлое благодати познаніе; радуйся, Еюже обнажися адъ, радуйся, Еюже облекохомся славою. Радуйся, Невѣсто ненеѣстная.

Кондакъ 5.

Боготечную звѣзду узрѣвше волсви, тоя послѣдоваша зари: и яко свѣтильникъ держаще ю, тою испытаху крѣпкаго Царя, и достигше непостижимаго, возрадовашася, Ему вошюще: аллилуіа.

Икосъ 5.

Видѣша отроцы халдейстїи на руку дѣвичу, создавшаго руками человѣки, и Владыку разумѣвающе Его, аще и рабїи прїять

зракъ, потщашеся дарми послужити Ему, и возопити благословеннѣй: Радуйся, звѣзды незаходимыя Мати, радуйся, заре таинственнаго дне; радуйся, прелести пещь угасившая, радуйся, Троицы таинники просвѣщающая; радуйся, мучителя безчеловѣчнаго изметающая отъ начальства, радуйся, Господа челоувѣколюбца показавшая Христа; радуйся, варварскаго избавляющая служенія, радуйся, тѣмѣнныя изимающая дѣль; радуйся, огня поклоненіе угасившая, радуйся, пламене страстей измѣняющая; радуйся, вѣрныхъ наставнице цѣломудрія, радуйся, всѣхъ родовъ веселіе. Радуйся, Невѣсто неневѣстная.

Кондакъ 6.

Проповѣдницы богоносніи бывше волсви, возвратишася въ Вавилонъ, скончавше Твое пророчество и проповѣдавше Тя Христа всѣмъ, оставиша Ирода яко лжива, не вѣдуща пѣти: аллилуіа.

Икосъ 6.

Возсіявый во Египтѣ просвѣщеніе истины, отгналъ еси лжи тму: идоли бо его, Спасе, не терпяще Твоея крѣпости, падоша; сихъ же избавльшіися вопіяху къ Богородицѣ: радуйся, исправленіе челоувѣковъ, радуйся, низпаденіе бѣсовъ; радуйся, прелести державу по-

правшая, радуйся, идольскую лесть обличившая; радуйся, море, потопившее Фараона мысленнаго, радуйся, каменю, напоившій жаждущія жизни; радуйся, огненный столпе, наставляяй суція во тмѣ, радуйся, покрове міру, ширшій облака; радуйся, пище, манны приѣмнице, радуйся, сладости святыя служительнице; радуйся, земле обѣтованія, радуйся, изъ неяже течеть медъ и млеко. Радуйся, Невѣсто ненеѣстная.

Кондакъ 7.

Хотящу Сумеону отъ нынѣшняго вѣка преставитися прелестнаго, вдался еси яко младенець тому, но познался еси ему и Богъ совершенный; тѣмже удивися твоей неизреченнѣй премудрости, зовый: аллилуіа.

Икосъ 7.

Новую показа тварь, явлься Зиждитель намъ, отъ Него бывшимъ, изъ безсѣменных прозябъ утробы, и сохранивъ ю, якоже бѣ, нетлѣнну, да чудо видяще воспоимъ Ю, вопіюще: радуйся, цвѣте нетлѣнія, радуйся, вѣнче воздержанія; радуйся, воскресенія образъ облистаящая, радуйся, ангельское житіе являющая; радуйся, древо свѣтлоплодовитое, отъ негоже питаются вѣрніи, радуйся, древо благосѣннолиственнос, имже покрываются

мнози; радуйся, во чревѣ носящая избавителя плѣнныхъ, радуйся, рождающая наставника заблуждшихъ; радуйся, суди праведнаго умоленіе, радуйся, многихъ согрѣшеній прощеніе; радуйся, одежду нагихъ дерзновенія, радуйся, любви, всякое желаніе побѣждающая. Радуйся, Невѣсто неневѣстная.

Кондакъ 8.

Странное рождество видѣвши, устранимся міра, умъ на небеса преложше; сего бо ради высокій Богъ, на земли явися смиренній человѣкъ, хотяй привлещи къ высотѣ, Тому вопіющія: аллилуіа.

Икосъ 8.

Весь бѣ въ нижнихъ, и вышнихъ никакоже отступи неописанное Слово: снисхожденіе бо божественное, не прехожденіе же мѣстное бысть и рождество отъ Дѣвы богопріятныя, слышашія сія: радуйся, Бога невмѣстимаго вмѣстилище, радуйся, честнаго таинства двери; радуйся, невѣрныхъ сумнительное слышаніе, радуйся, вѣрныхъ извѣстная похвало; радуйся, колеснице пресвятая, суцаго на Херувимѣхъ, радуйся, селеніе преславное, суцаго на Серафимѣхъ; радуйся, противная въ тожде собравшая, радуйся,

дѣвство и рождество сочетавшая, радуйся, Еюже разрѣшися преступленіе, радуйся, Еюже отверзется рай; радуйся, ключу царствія Христова, радуйся, надеждо благъ вѣчныхъ. Радуйся, Невѣсто ненеѣстная.

Кондакъ 9.

Всякое естество Ангельское удивися великому твоего вочеловѣченія дѣлу; неприступнаго бо яко Бога, зряше всемъ приступнаго чловѣка, намъ убо сиребывающа, слышаща же отъ всехъ: аллилуія.

Икосъ 9.

Вѣтія многовѣщанныя яко рыбы безгласныя видимъ о Тебѣ, Богородице: недоумѣвають бо глаголати, еже како, и Дѣва пребываеши, и родити возмогла еси; мы же таинству дивящеся, вѣрно вопіемъ: радуйся, премудрости Божія пріятелище, радуйся, промышленности его сокровище; радуйся, любомудрѣя немудрѣя являюща, радуйся, хитрословесныя безсловесныя обличающа; радуйся, яко обуяша лютии взыскателе, радуйся, яко увядоша баснотворцы; радуйся, аѳинейская плетенія растерзающа, радуйся, рыбарекия мрежи исполняюща; радуйся, изъ глубины невѣдѣнія извлачающа, радуйся, многи въ разумъ просвѣщающа; радуйся, кораблю хо-

тящихъ спастися, радуйся, пристанище житейскихъ плаваній. Радуйся, Невѣсто нене-вѣстная.

Кондакъ Ю.

Спасти хотя міръ, иже всѣхъ украститель къ сему самообѣтованъ прииде, и пастырь сый, яко Богъ, насъ ради явися по намъ человекъ: подобнымъ бо подобное призвавъ, яко Богъ слышитъ: аллилуіа.

Икосъ Ю.

Стѣна еси дѣвамъ, Богородице Дѣво, и всѣмъ къ Тебѣ прибѣгающимъ: ибо небесе и земли Творецъ устрои Тя, Пречистая, вселься во утробѣ Твоей, и вся приглашати Тебѣ научи: радуйся, столпе дѣвства, радуйся, дверь спасенія; радуйся, начальнице мысленнаго назданія, радуйся, подательнице божественныя благодати; радуйся, Ты бо обновила еси зачатая студно, радуйся, Ты бо наказала еси окраденныя умомъ; радуйся, тлителя смысловъ упражняющая, радуйся, сѣятеля чистоты рождшая; радуйся, чертоже безсѣменнаго уневѣщенія, радуйся, вѣрныхъ Господеви сочетавшая; радуйся, добрая младопитательнице дѣвамъ, радуйся, невѣстокрастительнице душъ святыхъ. Радуйся, Невѣсто нене-вѣстная.

Кондакъ II.

Пѣніе всякое побѣждается, спростретися тщащееся ко множеству многихъ щедротъ Твоихъ: равночисленные бо песка пѣсни аще приносимъ Ти, Царю святой, ничтоже совершаемъ достойно, яже даль еси намъ, Тебѣ вопіющимъ: аллилуіа.

Икосъ II.

Свѣтопріемную свѣщу, сущимъ во тмѣ явльшуюся, зримъ святую Дѣву: невещественный бо вжигающіи огонь, наставляеть къ разуму божественному вся, зарею умъ просвѣщающая, званіемъ же почитаемая сими: радуйся, луче умнаго солнца, радуйся, свѣтило незаходимаго свѣта; радуйся, молніе души просвѣщающая, радуйся, яко громъ, враги устрашающая; радуйся, яко много-свѣтлое возсіяваеши просвѣщеніе, радуйся, яко многотекущую источаеши рѣку; радуйся, купели живописующая образъ, радуйся, грѣховную отъемлющая скверну; радуйся, бане, омывающая совѣсть, радуйся, чаше, черплющая радость; радуйся, обоняніе Христова благоуханія, радуйся, животе тайнаго веселія. Радуйся, Невѣсто ненеѣстная.

Кондакъ 12.

Благодать дати восхотѣвъ, долговъ древнихъ, всѣхъ долговъ рѣшитель челоуѣкомъ, прииде Собою ко отшедшимъ того благодати, и раздравъ рукописаніе, слышитъ отъ всѣхъ сице: аллилуія.

Икосъ 12.

Поюще твое рождество, хвалимъ Тя вси, яко одушевленный храмъ, Богородице во твоей бо вселився утробѣ, содержи вся рукою Господь, освяти, прослави, и научи вопити Тебѣ всѣхъ: радуйся, селеніе Бога и Слова, радуйся, святая святыхъ большая; радуйся, ковчеже позлащенный Духомъ, радуйся, сокровище живота неистощимое; радуйся, честный вѣнче царей благочестивыхъ, радуйся, честная похвало іереевъ благоговѣйныхъ; радуйся, церкви непоколебимый столпе, радуйся, царствія нерушимая стѣно; радуйся, Еюже воздвигутся побѣды, радуйся, Еюже низпадаютъ врази; радуйся, тѣла моего врачеваніе, радуйся, души моя спасеніе. Радуйся, Невѣсто неневѣстная.

Кондакъ 13.

О всепѣтая Мати! рождающая всѣхъ святыхъ святѣйшее Слово! нынѣшнее приѣмши

приношеніе, отъ всякія избави напасти всѣхъ,
и будущія изми муки, о Тебѣ воиющіихъ:
аллилуіа.

Сей кондакъ глаголи трижды.

И паки четется 1-й икосъ: Ангель предстатель.

И паки 1-й кондакъ: Взбранной Воеводѣ:

Пѣснь 7.

Росодательну убо печь содѣла Ангель преподоб-
нымъ отрокомъ, Халдеи же опаляющее велѣніе Божіе,
мучителя увѣща вопити: благословенъ еси, Боже отецъ
нашихъ.

Помилуй мя, Боже, помилуй мя.

Не надѣйся, душе моя, на тлѣнное бо-
гатство, и на неправедное собраніе, вся бо
сія не вѣси, кому оставиши, но возопій: по-
милуй мя, Христе Боже, недостойнаго.

Помилуй мя, Боже, помилуй мя.

Не уповай, душе моя, на тѣлесное здра-
віе, и на скоромимоходящую красоту: видиши
бо, яко сильніи и младіи умирають, но возо-
пій: помилуй мя, Христе Боже, недостойнаго.

Помилуй мя, Боже, помилуй мя.

Вспомяни, душе моя, вѣчное житіе, цар-
ство небесное, уготованное святымъ, и тму
кромѣшную, и гнѣвъ Божій злымъ, и возопій:
помилуй мя, Христе Боже, недостойнаго.

Пресвятая Богородице, спаси насъ.

Припади, душе моя, къ Божіей Матери и помолися Той, есть бо скорая Помощница кающимся, умолишь Сына Христа Бога, и помилуетъ мя недостойнаго.

Пресвятая Богородице, спаси насъ.

Наше спасеніе якоже восхотѣлъ еси, Спасе, устроить, во утробу Дѣвыя вселился еси, Юже міру предстательницу показалъ еси: отецъ нашихъ Боже, благословенъ еси.

Пресвятая Богородице, спаси насъ.

Волителя милости, Егоже родила еси, Мати чистая, умоли, избавитися отъ прегрѣшеній, и душевныхъ сквернъ, вѣрою зовущимъ: отецъ нашихъ Боже, благословенъ еси.

Пресвятая Богородице, спаси насъ.

Сокровище спасенія, и источникъ нетлѣнія, Тя рождшую, и столпъ утвержденія, и дверь покаянія, показалъ еси зовущимъ: отецъ нашихъ Боже, благословенъ еси.

Пресвятая Богородице, спаси насъ.

Тѣлесныя слабости, и душевныя недуги, Богородительнице, любовію приступающихъ къ крову Твоему, Дѣво, исцѣлити сподоби, Спаса Христа намъ рождшая.

Святый Ангеле, хранителю мой, моли Бога о мнѣ.

Милостивъ буди ми, и умоли Бога, Госпо-

день Ангеле: имѣю бо тя заступника во всемъ животѣ моемъ, наставника же и хранителя отъ Бога дарованнаго ми во вѣки.

Святѣи Ангеле, хранителю мой, моли Бога о мнѣ.

Не остави въ путь шествующія души моея окаянныя убити разбойникомъ, Святѣи Ангеле, яже ти отъ Бога предана бысть непорочнѣ, но настави ю на луть покаянія.

Слава:

Всю посрамлену душу мою приводя отъ лукавыхъ ми помысль и дѣлъ: но предвари, наставниче мой, и исцѣленіе ми подаждь благихъ помысль, уклонятимися всегда на правыя стези.

И нынѣ:

Премудрости исполни всѣхъ и крѣпости Божественныя, Упостасная премудросте Вышняго, Богородицы ради, вѣрою вопіющихъ: отецъ нашихъ Боже, благословенъ еси.

Пѣснь 8.

Изъ пламени преподобнымъ росу источилъ еси, и праведнаго жертву водою попалилъ еси: вся бо творши, Христе, токмо еже хотѣти: Тя превозносимъ во вся вѣки.

Помилуй мя, Боже, помилуй мя.

Како не имамъ плакаться, егда помышляю смерть? видѣхъ бо во гробѣ лежаща брата моего, безславна и безобразна, что

убо чаю? и на что надѣюся? токмо даждь ми, Господи, прежде конца покаяніе.

(Дважды.)

Помилуй мя, Боже, помилуй мя.

Вѣрою, яко приидеши судити живыхъ и мертвыхъ, и вси во своемъ чину стануть, старіи и младіи, владыки и князи, дѣвы и священницы; гдѣ обрящуся азъ? сего ради вопію: даждь ми, Господи, прежде конца покаяніе.

Пресвятая Богородице, спаси насъ.

Пречистая Богородице, прими недостойную молитву мою, и сохрани мя отъ наглыя смерти, и даруй ми прежде конца покаяніе.

Пресвятая Богородице, спаси насъ.

Помощи, яже отъ Тебѣ, требующія, не презри, Дѣво, поющія и превозносящія Тя во вѣки.

Пресвятая Богородице, спаси насъ.

Неможеніе души моя исцѣляеши, и тѣлесныя болѣзни, Дѣво: да Тя прославлю, Чистая, во вѣки.

Пресвятая Богородице, спаси насъ.

Исцѣленій богатство изливаеши, вѣрно поющимъ Тя, Дѣво, и превозносящимъ неизреченное Твое рождество.

Пресвятая Богородице, спаси насъ.

Напастей Ты прилоги отгоняеши, и страстей находы, Дѣво: тѣмже Тя поемъ во вся вѣки.

Святый Ангеле, хранителю мой, моли Бога о мнѣ.

Отъ Бога посланный, утверди животъ мой раба твоего, преблагій Ангеле, и не остави мене во вѣки.

Святый Ангеле, хранителю мой, моли Бога о мнѣ.

Ангела ты суща блага, души моя наставника и хранителя, преблаженне, воспѣваю во вѣки.

Слава:

Буди ми покровъ и забрало, въ день испытанія всѣхъ человѣкъ, въ онъже огнемъ искушаются дѣла благая же и злая.

И нынѣ:

Буди ми помощница и тишина, Богородице Приснодѣво, рабу Твоему, и не остави мене лишена быти Твоего владычества.

Пѣснь 9.

Бога человѣкомъ невозможно видѣти, на Негоже не смѣютъ чини Ангельстїи взирати: Тобою же, Всечистая, явися человѣкомъ Слово воплощенное: Егоже величающе, съ небесными вои Тя ублажаемъ.

Помилуй мя, Боже, помилуй мя.

Нынѣ къ вамъ прибѣгаю Ангели, Архангели и вся небесныя Силы, у престола Божїя

стоящи, молитися ко Творцу своему, да избавитъ душу мою отъ муки вѣчныя.

Помилуй мя, Боже, помилуй мя.

Нынѣ плачуся къ вамъ, Святіи Патріарси, Царіе и Пророцы, Апостолы и Святители и вси избранніи Христовы: помозите ми на судѣ, да спасетъ душу мою отъ силы вражія.

Помилуй мя, Боже, помилуй мя.

Нынѣ къ вамъ воздѣжу руцѣ, Святіи Мученицы, Пустынницы, Дѣвственницы, Праведницы и вси Святіи, молящися ко Господу за весь міръ, да помилуетъ мя въ часъ смерти моея.

Пресвятая Богородице, спаси насъ.

Мати Божія, помози ми на Тя сильнѣ надѣющемуся, умоли Сына Своего, да поставитъ мя недостойнаго одесную Себе, егда сядетъ судяй живыхъ и мертвыхъ. Аминь.

Пресвятая Богородице, спаси насъ.

Тока слезъ моихъ не отвратися, яже отъ всякаго лица всяку слезу отъемшаго, Дѣво, Христа рождшая.

Пресвятая Богородице, спаси насъ.

Радости мое сердце исполни, Дѣво, яже радости приѣмная исполненіе, грѣховную печаль потребляющи.

Пресвятая Богородице, спаси насъ.

Пристанище и предстательство къ Тебѣ прибѣгающихъ буди, Дѣво, и стѣна нерушимая, прибѣжище же и покровъ и веселіе.

Пресвятая Богородице, спаси насъ.

Свѣта Твоего зарями просвѣти, Дѣво, мракъ невѣдѣнія отгоняючи, благовѣрно Богородицу Тя исповѣдающихъ.

Пресвятая Богородице, спаси насъ.

На мѣстѣ озлобленія немощи смирившагося, Дѣво, исцѣли, изъ нездравія во здравіе претворяючи.

Исусе Сладчайшій, спаси насъ.

Помилуй мя, едине Спасе мой, яко милостивъ еси и милосердъ, и праведныхъ ликовъ сотвори мя причастника.

Святій Ангеле, хранителю мой, моли Бога о мнѣ.

Мыслити ми присно и творити, Господень Ангеле, благая и полезная даруй, яко сильна яви въ немощи и непорочна.

Слава:

Яко имѣя дерзновеніе къ Царю небесному, Того моли, и съ прочими безплотными, помилувати мя окаяннаго.

И ныне:

Много дерзновеніе имущи, Дѣвице, къ воплощемуся изъ Тебѣ: преложи мя отъ узъ, и разрѣшеніе ми подаждь и спасеніе, молитвами Твоими.

Молитва ко Господу нашему, Іисусу Христу.

Іисусе Сладчайшій, спаси насъ.

Тебѣ, Господи, Единому благому и не-памятозлюбному исповѣдаю грѣхи моя, Тебѣ припадаю, вопія недостойный: согрѣшихъ, Господи, согрѣшихъ, и нѣсмь достоинъ возрѣти на высоту небесную отъ множества неправдъ моихъ, но, Господи мой, Господи, даруй ми слезы умиленія, Единый Блаже и Милостивый, яко да ими Тя умолю, очиститься прежде конца отъ всякаго грѣха: страшно бо и грозно мѣсто имамъ проити, тѣла разлучився, и множество мя мрачное и безчеловѣчное демоновъ срящеть, и никтоже въ помощь спутствуяй, или избавляяй, тѣмъ припадаю Твоей благости, не предаждь обидящимъ мя, ниже да похвалятся о мнѣ врази мои, благій Господи, ниже да рекутъ: въ

руки наша пришелъ еси, и намъ преданъ еси, ни, Господи, не забуди щедротъ Твоихъ, и не воздаждь ми по беззаконіемъ моимъ, и не отврати лица Твоего отъ мене: но Ты, Господи, накажи мя, обаче милостію и щедротами, врагъ же мой да не возрадуется о мнѣ: но угаси его на мя прещенія, и все упраздни его дѣйство, и даждь ми къ Тебѣ путь неукорный, благій Господи: занеже и согрѣшихъ не прибѣгохъ ко иному врачу, и не прострохъ руки моя къ богу чуждему, не отрини убо моленія моего, но услыши мя Твоею благостію, и утверди мое сердце страхомъ Твоимъ, и да будетъ благодать Твоя на мнѣ, Господи, яко огонь попадаяй нечистыя во мнѣ помыслы. Ты бо еси, Господи, свѣтъ, паче всякаго свѣта: радость, паче всякія радости: упокоеніе, паче всякаго упокоенія: жизнь истинная и спасеніе, пребывающее во вѣки вѣковъ. Аминь.

Молитва ко Пресвятѣй Богородицѣ.

Пресвятая Богородице, спаси насъ.

Царице моя преблагая, надеждо моя пресвятая, пріятелице сирымъ и страннымъ Заступнице, бѣдствующихъ помощи и озлобляемыхъ покрове! Зриши мою напасть,

зриши мою скорбь: отвсюду искушеніемъ одержимъ есмь, а заступающаго нѣсть. Ты убо Сама помози ми яко немощну, окорми мя яко странна, настави яко заблуждша, уврачуй и спаси яко безнадежна. Не имамъ бо инья помощи, ни инаго предстательства, ни утѣшенія, токмо Тебѣ, о Мати всѣхъ скорбящихъ и обремененныхъ! Призри убо на мя грѣшнаго и во озлобленіи сущаго, и покрый мя пресвятымъ омофоромъ Твоимъ, да избавленъ буду отъ золь, мя обышедшихъ, и восхваляю выну препѣтое имя Твое. Аминь.

Молитва къ Ангелу хранителю.

Святый Ангеле, хранителю мой, моли Бога о мнѣ.

Ангеле Христовъ Святый, къ тебѣ припадаю молюся, хранителю мой святый, приданный мнѣ на соблюденіе души и тѣлу моему грѣшному, отъ святаго крещенія; азъ же своею лѣностію, и своимъ злымъ обычаемъ, прогнѣвахъ твою пречистую свѣтлость и отгнахъ тя отъ себе всѣми студными дѣлы: лжами, клеветами, завистію, осужденіемъ, презорствомъ, непокорствомъ, братоненавидѣніемъ и злопомнѣніемъ, сребролюбіемъ, прелюбодѣяніемъ, яростію, скупостію,

объяденіемъ безъ сытости и опивствомъ, многоглаголаніемъ, злыми помыслами и лукавыми: гордымъ обычаемъ, и блуднымъ возбъщеніемъ, имый самохотѣніе на всякое плотское вожделѣніе. О злое мое произволеніе, егоже и скоти безсловесніи не творятъ! да како возможеши возрѣти на мя, или приступити ко мнѣ, аки ко псу смердящему? которыма очима, Ангеле Христовъ, возриши на мя, ошлетшася злѣ во гнусныхъ дѣлѣхъ? да како уже возмогу отпущенія просити горькимъ и злымъ моимъ и лукавымъ дѣяніемъ, въ няже впадаю по вся дни и нощи и на всякъ часъ? но молюся ти припадая, хранителю мой Святый, умилосердися на мя грѣшнаго и недостойнаго раба твоего (*имя рекъ*), буди ми помощникъ и заступникъ на злаго моего сопротивника, святыми твоими молитвами, и царствія Божія причастника мя сотвори, со всѣми Святыми, всегда, нынѣ и присно, и во вѣки вѣковъ. Аминь.



Посемъ глаголи помяникъ.

Помяникъ.

О живыхъ.

Помяни, Господи Иисусе Христе, Боже нашъ, милости и щедроты Твоя отъ вѣка сущія, ихже ради и вочеловѣчился еси, и распятіе и смерть, спасенія ради право въ Тя вѣрующихъ, претерпѣти изволилъ еси: и воскресъ изъ мертвыхъ, вознесся еси на небеса, и сѣдиши одесную Бога Отца, и призираеши на смиренныя мольбы всеѣмъ сердцемъ призывающихъ Тя: приклони ухо Твое и услыши смиренное моленіе мене, непотребнаго раба Твоего, въ волю благоуханія духовнаго, Тебѣ за вся люди Твоя приносящаго. И въ первыхъ помяни Церковь Твою Святую, Соборную и Апостольскую, юже снабдѣлъ еси честною Твоею кровію, и утверди, и укрѣпи, и разшири, умножи, умири, и непреобориму адовыми враты во вѣки сохрани; раздиранія Церквей утиши, шатанія языческая угаси, и ересей возстаніе скоро разори и искорени, и въ ничтоже силою Святаго Твоего Духа обрати.

Поклонъ.

Спаси, Господи, и помилуй Благочестивѣйшаго, Самодержавнѣйшаго, Великаго ГОСУДАРЯ нашего, ИМПЕРАТОРА НИКОЛАЯ АЛЕКСАНДРОВИЧА всея Россіи: Супругу ЕГО, Благочестивѣйшую ГОСУДАРЫНЮ ИМПЕРАТРИЦУ АЛЕКСАНДРУ ФЕОДОРОВНУ: Матерь Его, Благочестивѣйшую ГОСУДАРЫНЮ ИМПЕРАТРИЦУ МАРИЮ ФЕОДОРОВНУ: Наслѣдника ЕГО, Благовѣрнаго Государя, Цесаревича и Великаго Князя АЛЕКСѢЯ НИКОЛАЕВИЧА и весь Царствующій Домъ. Благовѣрныхъ: Правительствующій Сѣнклитъ, Военачальники, Градоначальники, и все Христолюбивое воинство; огради миромъ державу ИХЪ, и покори подъ нозѣ ИХЪ всякаго врага и супостата; и глаголи мирная и благая въ сердцахъ ИХЪ о Церкви Твоей Святѣй, и о всѣхъ людехъ Твоихъ: да и мы, въ тишинѣ ИХЪ, тихое и безмолвное житіе проживемъ въ правобѣри, и во всякомъ благочестіи и честности.

Поклонъ.

Спаси, Господи, и помилуй Святѣйшій Правительствующій Сѣнодъ, и Святѣйшія Вселенскія Патріархи, и Преосвященныя Митрополиты, Архіепископы и Епископы Православныя, Іереи же и Діаконы, и весь причетъ Церковный, яже поставилъ еси пасти сло-

весное Твое стадо, и молитвами ихъ помилуй
и спаси мя грѣшнаго.

Поклонъ.

Спаси, Господи, и помилуй всечестную ма-
терь нашу Игуменію (*имя рекъ*), со всеми
о Христѣ сестрами, и молитвами ихъ и мене
окаянную помилуй.

Поклонъ.

Спаси, Господи, и помилуй отца моего
духовнаго (*имя рекъ*), и святыми его молит-
вами прости моя согрѣшенія.

Поклонъ.

Спаси, Господи, и помилуй вся служащія
въ трудѣхъ, во святѣй обители сей, сестры
наша, руководѣльныя же и мірскія работники,
и земледѣльцы монастыря сего и вся хри-
стіаны.

Поклонъ.

Спаси, Господи, и помилуй родители моя
(*имена ихъ*), братію, и сестры, и сродники
моя по плоти, и вся ближнія рода моего,
и други, и даруй имъ мирная Твоя и пре-
мирная благая.

Поклонъ.

Спаси, Господи, и помилуй во святогор-
скихъ монастырѣхъ, и въ російскихъ, и во
инѣхъ мѣстѣхъ живущія и пребывающія

отцы и братію нашу, и сестры, и молитвами ихъ помилуй и мене грѣшнаго.

Поклонъ.

Спаси, Господи, и помилуй по множеству щедротъ Твоихъ вся священноиноки, иноки же и инокини, и вся въ дѣвствѣ же и благоговѣніи и постничествѣ живущія, въ монастырѣхъ, въ пустынѣхъ, въ пещерахъ, горахъ, столпѣхъ, затворѣхъ, разсѣлинахъ каменныхъ, островѣхъ же морскихъ, и на всякомъ мѣстѣ владычества Твоего правдоу вѣрно живущія, и благочестно служащія Ти, и молящіяся Тебѣ; облегчи имъ тяготу, и утѣши ихъ скорбь, къ подвигу отъ Тебѣ силу и крѣпость имъ подаждь, и молитвами ихъ даруй ми оставленіе грѣховъ.

Поклонъ.

Спаси, Господи, и помилуй старцы и юныя, нищія и сироты и вдовицы, и сущія въ болѣзни, и въ печалехъ, бѣдахъ же и скорбехъ, обстояніяхъ и плѣненіихъ, темницахъ же и заточеніихъ, изряднѣе же въ гоненіихъ Тебѣ ради и вѣры православныя, отъ языкъ безбожныхъ, отъ отступникъ, и отъ еретиковъ, сущія рабы Твоя; и помяни я, посѣти, укрѣпи, утѣши, и вскорѣ силою Твоею ослабу, свободу и избаву имъ подаждь.

Поклонъ.

Спаси, Господи, и помилуй благотворящія намъ, милующія, и питающія насъ, давшія намъ милостыню, и заповѣдавшія намъ недостойнымъ молиться о нихъ, и упокоевающія насъ; и сотвори милость Твою съ ними, даруя имъ вся, яже ко спасенію прошенія, и вѣчныхъ благъ воспріятіе.

Поклонъ.

Спаси, Господи, и помилуй посланныя въ службу, путешествующія, отцы и братію нашу, и сестры, и вся Православныя Христіаны.

Поклонъ.

Спаси, Господи, и помилуй, ихъ же азъ безуміемъ моимъ соблазнихъ, и отъ пути спасительнаго отвратихъ, къ дѣломъ злымъ и неподобнымъ приведохъ, Божественнымъ Твоимъ промысломъ къ пути спасенія паки возврати.

Поклонъ.

Спаси, Господи, и помилуй ненавидящія и обидящія мя, и творящія ми пакости, и не остави ихъ погибнути мене ради грѣшнаго.

Поклонъ.

Отступившія отъ Православныя Вѣры, и погибельными ересьми ослѣпленныя, свѣтомъ Твоего познанія просвѣти и Святѣй Твоей Апостольстѣй Соборнѣй Церкви причти.

Поклонъ.

Мерзкое и богохульное агарянское царство вскорѣ испровержи, и правовѣрнымъ царемъ предаждь: правовѣріе же утверди, и воздвигни рогъ христіанскій: и низпосли на насъ милости Твоя богатая.

Поклонъ.

О усопшихъ.

Помяни, Господи, отъ житія сего отшедшія, Правовѣрныя Цари и Царицы, Благовѣрныя Князи и Княгини, Святѣйшія Патріархи, Преосвященныя Митрополиты, Архіепископы и Епископы Православныя, во Іерейскомъ же и причтѣ Церковномъ, и Монашескомъ чинѣ Тебѣ послужившія, и блаженныя Ктиторы святая обители сея, и въ вѣчныхъ Твоихъ селеніяхъ со Святými упокой.

Поклонъ.

Помяни, Господи, души усопшихъ рабовъ Твоихъ, родителей моихъ (*имена ихъ*) и всѣхъ сродниковъ по плоти: и прости имъ вся согрѣшенія вольная и невольная, даруй имъ Царствіе и причастіе вѣчныхъ Твоихъ благихъ, и Твоея безконечныя и блаженныя жизни наслажденіе.

Поклонъ.

Помяни, Господи, и вся въ надеждѣ воскресенія, и жизни вѣчныя усопшія отцы и братію нашу, и сестры, и здѣ лежащія, и

повсюду Православныя Христіаны, и со Святыми Твоими, идѣже присѣщаетъ свѣтъ лица Твоего, всели, и насъ помилуй, яко благъ и человѣколюбецъ. Аминь.

Поклонъ.

Подаждь, Господи, оставленіе грѣховъ всѣмъ прежде отшедшимъ въ вѣрѣ и надеждѣ воскресенія, отцемъ, братіямъ и сестрамъ нашимъ, и сотвори имъ вѣчную память.

(Трижды.)

Боже, милостивъ буди мнѣ грѣшному.

Поклонъ.

Боже, очисти грѣхи моя и помилуй мя.

Поклонъ.

Создавый мя, Господи, помилуй. Безъ числа согрѣшихъ, Господи, прости мя.

Поклонъ.

Владычице моя, Пресвятая Богородице, спаси мя грѣшнаго.

Поклонъ.

Молитвами Святыхъ Отецъ нашихъ, Господи, Іисусе Христе Боже нашъ, помилуй насъ.

Слава Тебѣ, Боже нашъ, слава Тебѣ.

Царю небесный, Утѣшителю, Душе истинны, иже вездѣ сый, и вся исполняй, сокро-

вище благихъ, и жизни подателю, приди и вселися въ ны, и очисти ны отъ всякія скверны, и спаси, Блаже, души наша.

Святыи Боже, Святыи крѣпкій, Святыи безсмертныи, помилуй насъ. *(Трижды).*

Слава Отцу, и Сыну, и Святому Духу, и нынѣ, и присно, и во вѣки вѣковъ. Аминь.

Пресвятая Троице, помилуй насъ; Господи, очисти грѣхи наша: Владыко, прости беззаконія наша: Святыи, посѣти и исцѣли немощи наша, имени Твоего ради.

Господи помилуй, (трижды.)

Слава Отцу, и Сыну, и Святому Духу, и нынѣ и присно, и во вѣки вѣковъ. Аминь.

Отче нашъ, иже еси на небесѣхъ! да святится имя Твое; да придетъ Царствіе Твое; да будетъ воля Твоя, яко на небеси и на земли; хлѣбъ нашъ насущный даждь намъ днесь; и остави намъ долги наша, якоже и мы оставляемъ должникомъ нашимъ; и не введи насъ во искушеніе, но избави насъ отъ лукаваго.

Господи помилуй, 12 разъ. Слава и нынѣ.

Придите, поклонимся Цареві нашему Богу.

Придите, поклонимся и припадемъ Христу, Цареві нашему Богу.

Придите, поклонимся и припадемъ Самому Христу, Цареві и Богу нашему.

Помилуй мя, Боже, по величїи милости Твоей, и по множеству щедротъ Твоихъ очисти беззаконіе мое. Наипаче омый мя отъ беззаконїа моего и отъ грѣха моего очисти мя: яко беззаконіе мое азъ знаю, и грѣхъ мой предо мною есть выну. Тебѣ единому согрѣшихъ, и лукавое предъ Тобою сотворихъ, яко да оправдишися во словесѣхъ Твоихъ, и побѣдиши, внигда судити Ти. Се бо въ беззаконїихъ зачатъ есмь, и во грѣсѣхъ роди мя мати моя. Се бо истину возлюбилъ еси: безвѣстная и тайная премудрости Твоея явилъ ми еси. Окропиши мя иссопомъ, и очищуся: омыеши мя, и паче снѣга убѣлюся. Слуху моему даси радость и веселіе: возрадуются кости смиренныя. Отврати лице Твое отъ грѣхъ моихъ, и вся беззаконїя моя очисти. Сердце чисто созижди во мнѣ, Боже, и духъ правъ обнови во утробѣ моей. Не отвержи мене отъ лица Твоего, и Духа Твоего Святаго не отыми отъ мене.

Воздаждь ми радость спасенія Твоего, и духомъ владычнимъ утверди мя. Научу беззаконныя путемъ Твоимъ, и нечестивіи къ Тебѣ обратятся. Избави мя отъ кровей, Боже, Боже спасенія моего: возрадуется языкъ мой правдѣ Твоей. Господи, устнѣ мои отверзеши, и уста моя возвѣстятъ хвалу Твою. Яко аще бы восхотѣлъ еси жертвы, далъ быхъ убо: всесожженія не благоволиши. Жертва Богу духъ сокрушенъ: сердце сокрушенно и смиренно Богъ не уничижитъ. Ублажи, Господи, благоволеніемъ Твоимъ Сіона, и да созиждутся стѣны Іерусалимскія. Тогда благоволиши жертву правды, возношеніе и всесожгаемая; тогда возложатъ на олтарь Твой тельцы.

Вѣрую во единого Бога Отца, Вседержителя, Творца небу и земли, видимымъ же всемъ и невидимымъ. И во единого Господа Іисуса Христа, Сына Божія, единородного, Иже отъ Отца рожденнаго прежде всехъ вѣкъ; Свѣта отъ Свѣта, Бога истинна отъ Бога истинна, рожденна, несотворенна, единосущна Отцу, Имже вся быша. Насъ ради человекъ и нашего ради спасенія сшедшаго съ небесъ, и воплотившагося отъ Духа Свята, и Маріи Дѣвы, и вочеловѣчшася. Распя-

таго же за ны, при Понтійстѣмъ Пилатѣ, и страдавша, и погребенна. И воскресшаго въ третій день, по Писаніемъ. И возшедшаго на небеса, и сѣдяща одесную Отца. И паки грядущаго со славою, судити живымъ и мертвымъ, Егоже царствію не будетъ конца. И въ Духа Святаго, Господа, животворящаго, Иже отъ Отца исходящаго, Иже со Отцемъ и Сыномъ спокланяема и славима, глаголавшаго Пророки. Во едину Святую, Соборную и Апостольскую Церковь. Исповѣдую едино крещеніе, во оставленіе грѣховъ. Чаю воскресенія мертвыхъ. И жизни будущаго вѣка. Аминь.

Господи, Іисусе Христе, Сыне Божій, помилуй мя грѣшнаго *(100 разъ.)*

Слава Отцу, и Сыну, и Святому Духу, и нынѣ и присно и во вѣки вѣковъ. Аминь.

Аллилуія, аллилуія, аллилуія. слава Тебѣ, Боже *(трижды.)*

Господи помилуй *(трижды.)*

Спаси, Господи, и помилуй рабъ Твоихъ, здѣ живущихъ и повсюду православныхъ христіанъ и всѣхъ заповѣдавшихъ мнѣ молиться о нихъ. Пошли имъ отраду, утѣше-

піе въ скорбѣхъ и милость Твою святую, и молитвами ихъ меня, окаяннаго, помилуй.

Слава:

Помяни, Господи, души усопшихъ рабъ Твоихъ, здѣ лежащихъ и повсюду православныхъ христіанъ, елико въ житіи семъ согрѣшиша, яко чловѣкъ, Ты же, яко милостивъ Господь, прости, души ихъ помилуй, вѣчныя муки избави, небеснаго царствія причастницы учини, и насъ помилуй, яко благу и чловѣколюбець.

И нынѣ:

Богородице Дѣво, радуйся, Благодатная Маріе, Господь съ Тобою, благословенна Ты въ женахъ, и благословенъ плодъ чрева Твоего, яко Спаса родила еси душъ нашихъ.

Господи помилуй, (трижды.)

Молитвами Святыхъ Отець нашихъ, Господи Іисусе Христе Боже нашъ помилуй насъ:

Отче нашъ, иже еси на небесѣхъ! да святится имя Твое, да пріидеть царствіе Твое, да будетъ воля Твоя, яко на небеси и на земли, хлѣбъ нашъ насущный даждь намъ днесъ: и остави намъ долги наша, якоже и мы оставляемъ должникомъ нашимъ, и не введи насъ во искушеніе, но избави насъ отъ лукаваго.

Владычице моя, Пресвятая Богородице,
спаси мя грѣшнаго. *(100 молитвъ.)*

Слава и нынѣ.

Аллилуія, аллилуія аллилуія, слава Тебѣ,
Боже. *(Трижды.)*

Господи помилуй, 3 раза.

Спаси, Господи, и помилуй рабъ Твоихъ,
здѣ живущихъ и повсюду православныхъ
христіанъ и всѣхъ заповѣдавшихъ мнѣ мо-
литися о нихъ. Пошли имъ отраду, утѣшеніе
въ скорбѣхъ и милость Твою святую, и мо-
литвами ихъ меня, окаяннаго, помилуй.

Слава:

Помяни, Господи, души усопшихъ рабъ
Твоихъ, здѣ лежащихъ и повсюду православ-
ныхъ христіанъ, елико въ житіи семъ со-
грѣшиша, яко человѣкъ, Ты же, яко милостивъ
Господь, прости, души ихъ помилуй, вѣчныя
муки избави, Небеснаго Царствія причастни-
цы учини, и насъ помилуй, яко благъ и
человѣколюбець.

И нынѣ:

Богородице Дѣво, радуйся, Благодатная
Маріе, Господь съ Тобою, Благословенна Ты
въ женахъ, и благословенъ плодъ чрева
Твоего, яко Спаса родила, еси душъ нашихъ.

Господи помилуй, 3 раза,

Молитвами святыхъ Отець нашихъ, Господи, Иисусе Христе, Боже нашъ, помилуй насъ.

Отче нашъ, Иже еси на небесѣхъ! да святится имя Твое; да придетъ Царствіе Твое; да будетъ воля Твоя, яко на небеси и на земли; хлѣбъ нашъ насущный даждь намъ днесь; и остави намъ долги наша, якоже и мы оставляемъ должникомъ нашимъ; и не введи насъ во искушеніе, но избави насъ отъ лукаваго.

Господи, Иисусе Христе, Госпожею Дѣвою Маріею Богородицею, помилуй мя грѣшнаго
Трижды.

Господи, Иисусе Христе, Боже нашъ, помилуй насъ грѣшныхъ.
12 разъ.

Владычице моя, Пресвятая Богородице, спаси насъ грѣшныхъ.
12 разъ.

Преподобный отче Серафиме, моли Бога о мнѣ грѣшнемъ.
Трижды.

Святая Равноапостольная Нино, моли Бога о мнѣ грѣшнемъ.
Трижды.

Святой Ангеле, хранителю мой, моли Бога о мнѣ грѣшнемъ.
Трижды.

Вси Святїи, молитѣ Бога о мнѣ грѣшнемъ.

Трижды.

Богородице Дѣво, радуйся, благодатная Марїе, Господь съ Тобою, благословенна Ты въ женахъ и благословенъ плодъ чрева Твоего, яко Спаса родила еси дупѣ нашихъ.

Достойно есть, яко воистинну, блажити Тя Богородицу, присноблаженную и пренепорочную, и Матерь Бога нашего: честнѣйшую херувимъ, и славнѣйшую безъ сравненїя серафимъ, безъ истлѣнїя Бога Слова рождшую, сущую Богородицу Тя величаемъ.

Слава Отцу и Сыну и Святому Духу, и нынѣ и присно, и во вѣки вѣковъ. Аминь.

Господи помилуй, трижды.

Благослови.

Господи, Іисусе Христе, Сыне Божїй, молитвѣ ради Пречистыя Твоея Матери, Преподобнаго Отца нашего Серафима, Святыя Равноапостольныя Нины и всѣхъ Святыхъ, помилуй и спаси мя грѣшнаго, яко благъ и человекѣколюбець.



МОЛИТВЫ НА СОНЪ ГРЯДУЩИМЪ.

Молитвами Святыхъ Отець нашихъ, Господи, Иисусе Христе, Боже нашъ, помилуй насъ. Аминь.

Слава Тебѣ, Боже нашъ, слава Тебѣ.

Царю небесный, Утѣшителю, Душе истинны, Иже вездѣ сый, и вся исполняяй, сокровище благихъ, и жизни подателю, прииди и вселися въ ны, и очисти ны отъ всякія скверны, и спаси, Блаже, души наша.

Святыи Боже, Святыи крѣпкій, Святыи безсмертный, помилуй насъ.

Святыи Боже, Святыи крѣпкій, Святыи безсмертный, помилуй насъ.

Святыи Боже, Святыи крѣпкій, Святыи безсмертный, помилуй насъ.

Слава Отцу и Сыну и Святому Духу, и нынѣ и присно, и во вѣки вѣковъ. Аминь.

Пресвятая Троице, помилуй насъ: Господи, очисти грѣхи наша: Владыко, прости беззаконія наша: Святыи, посѣти и исцѣли немощи наша, имене Твоего ради.

Господи помилуй, трижды.

Слава и нынѣ.

Отче нашъ, Иже еси на небесѣхъ! да святится имя Твое; да придетъ царствіе Твое; да будетъ воля Твоя, яко на небеси и на земли; хлѣбъ нашъ насущный даждь намъ днесь; и остави намъ долги наша, якоже и мы оставляемъ должникомъ нашимъ; и не введи насъ во искушеніе, но избави насъ отъ лукаваго.

Помилуй насъ, Господи, помилуй насъ; всякаго бо отвѣта недоумѣюще, сію Ти молитву яко Владыцѣ грѣшніи приносимъ: помилуй насъ.

Слава:

Господи, помилуй насъ, на Тя бо уповахомъ, не прогнѣвайся на ны зѣло, ниже помяни беззаконій нашихъ, но призри и нынѣ яко благоутробенъ, и избави ны отъ врагъ нашихъ: Ты бо еси Богъ нашъ, и мы людіе Твои, вси дѣла руку Твоею, и имя Твое призываемъ.

И нынѣ:

Милосердія двери отверзи намъ, благословенная Богородице, надѣющіися на Тя да не погибнемъ, но да избавимся Тобою отъ бѣдъ: Ты бо еси спасеніе рода Христіанскаго.

Господи помилуй, 12 разъ.

(И молитвы сія по ряду, со вниманіемъ и умиленіемъ.)

Молитва 1-я, Св. Манарія Великаго къ Богу Отцу.

Боже вѣчный и Царю всякаго созданія, сподобивый мя даже въ часъ сей dospѣти, прости ми грѣхи, яже сотворихъ въ сей день, дѣломъ, словомъ и помышленіемъ, и очисти, Господи, смиренную мою душу отъ всякія скверны плоти и духа, и даждь ми, Господи, въ нощи сей сонъ прейти въ мирѣ, да воставъ отъ смиреннаго ми ложа, благоугожду пресвятому имени Твоему, во вся дни живота моего, и поперу борющія мя враги плотскія и безплотныя. И избави мя, Господи, отъ помышлений суетныхъ, оскверняющихъ мя, и похотей лукавыхъ. Яко Твое есть царство, сила и слава, Отца и Сына и Святаго Духа, нынѣ и присно, и во вѣки вѣковъ. Аминь.

**Молитва 2-я, ко Господу нашему Іисусу Христу,
святаго Антіоха.**

Вседержителю, Слово Отчее, Самъ совершенъ сый, Іисусе Христе, многаго ради ми-

лосердія Твоего, никогдаже отлучайся мене раба Твоего, но всегда во мнѣ почивай. Иисусе, добрый Пастырю Твоихъ овецъ, не предаждь мене крамолѣ зміинѣ, и желанію сатанину не остави мене, яко сѣмя тли во мнѣ есть. Ты убо, Господи Боже покланяемый, Царю Святый, Иисусе Христе, спяща мя сохрани немерцающимъ свѣтомъ, Духомъ Твоимъ Святымъ, Имже освятилъ еси Твоя ученики. Дажь, Господи, и мнѣ, недостойному рабу Твоему, спасеніе Твое на ложи моемъ: просвѣти умъ мой свѣтомъ разума святаго Евангелія Твоего: душу, любовію креста Твоего: сердце чистотою словесе Твоего: тѣло мое, Твоею страстію безстрастною: мысль мою Твоимъ смиреніемъ сохрани, и воздвигни мя во время подобно на Твое славословіе. Яко препрославленъ еси со безначальнымъ Твоимъ Отцемъ, и Пресвятымъ Духомъ во вѣки. Аминь.

Молитва 3-я, ко Пресвятому Духу.

Господи, Царю небесный, Утѣшителю, Душе истины, умилосердися, и помилуй мя грѣшнаго раба Твоего, и отпусти ми недостойному, и прости вся, елика Ти согрѣшихъ днесь яко человекъ, паче же и не яко человекъ, но и горѣ скота, вольныя моя грѣхи и невольныя, вѣдомыя и не-

вѣдомыя: яже отъ юности, и отъ науки злы: и яже суть отъ наглѣства, и унынія. Аще именемъ Твоимъ кляхся, или похулихъ е въ помышленіи моемъ: или кого укорихъ, или оклеветахъ кого гнѣвомъ моимъ, или печалихъ, или о чемъ прогнѣвахся: или солгахъ: или безгодно спяхъ, или нищъ прииде ко мнѣ и презрѣхъ сго: или брата моего печалихъ, или свадихъ, или кого осудихъ: или развеличахся, или разгордѣхся, или разгнѣвахся, или, стоящу ми на молитвѣ, умъ мой о лукавствіи міра сего подвижесе: или развращеніе помыслихъ: или объядохся, или опихся, или безъ ума смѣяхся: или лукавое помыслихъ, или доброту чуждую видѣвъ, и тою уязвень быхъ сердцемъ: или неподобная глаголахъ: или грѣху брата моего посмѣяхся; моя же суть безчисленная согрѣшенія: или о молитвѣ нерадихъ: или ино что содѣяхъ лукавое не помню: та бо вся и больша сихъ содѣяхъ. Помилуй мя, Творче мой Владыко, унылаго, и недостойнаго раба Твоего: и остави ми, и отпусти, и прости мя, яко благъ и челоуѣколюбецъ: да съ миромъ лягу, усну, и почию, блудный, грѣшный, и окаянный азъ, и поклонюся, и воспою, и прославлю пречестное имя Твое, со Отцемъ, и едиnorodнымъ Его Сыномъ, нынѣ и присно, и во вѣки. Аминь.

Молитва 4-я, святаго Макарія Великаго.

Что Ти принесу, или что Ти воздамъ, великодаровитый, безсмертный Царю, щедре и человѣколюбче Господи? яко лѣнящася мене на Твое угожденіе, и ничтоже благо сотворша, привелъ еси на конецъ мимошедшаго дне сего, обращеніе и спасеніе души моей строя. Милостивъ ми буди грѣшному и обнаженному всякаго дѣла блага, возстави падшую мою душу, осквернившуюся въ безмѣрныхъ согрѣшеніихъ: и отъими отъ мене весь помысль лукавый видимаго сего житія, прости моя согрѣшенія, едине безгрѣшне, яже Ти согрѣшихъ въ сей день, вѣдѣніемъ и невѣдѣніемъ, словомъ и дѣломъ, и помышленіемъ, и всѣми моими чувствами: Ты самъ покрывая, сохрани мя отъ всякаго сопротивнаго обстоянія, Божественною Твоею властію, и неизреченнымъ человѣколюбіемъ, и силою. Очисти, Боже, очисти множество грѣховъ моихъ; благоволи, Господи, избавити мя отъ сѣти лукаваго, и спаси страстную мою душу, и осѣни мя свѣтомъ лица Твоего, егда приидеши во славѣ, и неосужденно нынѣ сномъ уснути сотвори, и безъ мечтанія, и несмущенъ помысль раба Твоего соблюди, и всю сатанину дѣтель отъжени отъ мене; и про-

свѣти ми разумныя очи сердечныя, да не усну въ смерть. И послѣ ми Ангела мирна, хранителя и наставника души и тѣлу моему, да избавить мя отъ врагъ моихъ, да воставъ со одра моего, принесу Ти благодарственныя мольбы. Ей, Господи, услыши мя грѣшнаго, и убогаго раба Твоего, изволеніемъ и совѣстію: даруй ми воставшу словесемъ Твоимъ поучитися, и уныніе бѣсовское далече отъ мене отгнано быти сотвори Твоими Ангелы: да благословлю имя Твое Святое, и прославлю, и славлю пречистую Богородицу Марію, Юже далъ еси намъ грѣшнымъ заступленіе, и приими Сію молящуюся за ны: вѣмъ бо, яко подразкаеть Твое человеколюбіе, и молящися не престаеть. Тоя заступленіемъ и честнаго креста знаменіемъ, и всѣхъ Святыхъ Твоихъ ради, убогую душу мою соблюди, Іисусе Христе, Боже нашъ: яко святъ еси, и препрославленъ во вѣки. Аминь.

Молитва 5-я:

Господи Боже нашъ, еже согрѣшихъ во дни семъ, словомъ, дѣломъ и помышленіемъ, яко благъ и человеколюбецъ прости ми; миренъ сонъ и безмятеженъ даруй ми; Ангела Твоего хранителя послѣ, покрывающа

и соблюдающа мя отъ всякаго зла: яко Ты еси хранитель душамъ и тѣлесемъ нашимъ, и Тебѣ славу возсылаемъ, Отцу и Сыну, и Святому Духу, нынѣ и присно, и во вѣки вѣковъ. Аминь.

Молитва 6-я:

Господи Боже нашъ, въ Негоже вѣровахомъ, и Егоже имя паче всякаго имени призываемъ, даждь намъ ко сну отходящимъ ослабу души и тѣлу: и соблюди насъ отъ всякаго мечтанія, и темныя сласти кромѣ: устави стремленія страстей, угаси разжженія востанія тѣлеснаго: даждь намъ цѣломудреннѣ пожити дѣлы и словесы, да добродѣтельное жителство воспріемлюще, обѣтованныхъ не отпадемъ благихъ Твоихъ, яко благословенъ еси во вѣки. Аминь.

Молитва 7, Святаго Іоанна Златоуста.

Молитвы молебныя, числомъ двадцатимъ четыремъ часомъ, дневнымъ и ноцнымъ.

Дневи:

Господи, не лиши мене небесныхъ Твоихъ благъ. Господи, избави мя вѣчныхъ мукъ. Господи, уможь ли или помышленіемъ, словомъ или дѣломъ согрѣшихъ, прости мя. Господи, избави мя всякаго невѣдѣнія, и

забвенія, и малодушія, и окамененнаго нечувствія. Господи, избави мя отъ всякаго искушенія. Господи, просвѣти мое сердце, еже помрачи лукавое похотѣніе. Господи, азъ яко человѣкъ согрѣшихъ, Ты же яко Богъ щедръ, помилуй мя, видя немощь души моя. Господи, посли благодать Твою въ помощь миѣ, да прославлю имя Твое святое. Господи, Іисусе Христе, напиши мя раба Твоего въ книзѣ животнѣй, и даруй ми конецъ благій. Господи Боже мой, аще и ничтоже благо сотворихъ предъ Тобою, но даждь ми по благодати Твоей положити начало благое. Господи, окроши въ сердце мое росу благодати Твоея. Господи небесе и земли, помяни мя, грѣшнаго раба Твоего, студнаго и нечистаго, во царствіи Твоемъ. Аминь.

Ноци:

Господи, въ покаяніи пріими мя. Господи, не остави мене. Господи, не введи мене въ напасть. Господи, даждь ми мысль благу. Господи, даждь ми слезы, и память смертную, и умиленіе. Господи, даждь ми помысль исповѣданія грѣховъ моихъ. Господи, даждь ми смиреніе, цѣломудріе и послушаніе. Господи, даждь ми терпѣніе, великодушіе и кротость. Господи, всели въ мя корень бла-

гихъ, страхъ Твой въ сердце мое. Господи, сподоби мя любити Тя отъ всея души моея и помышленія и творити во всемъ волю Твою. Господи, покрый мя отъ человѣкъ нѣкоторыхъ, и бѣсовъ, и страстей, и отъ всякія иныя неподобныя вещи. Господи, вѣси, яко твориши, якоже Ты волиши, да будетъ воля Твоя и во мнѣ грѣшнѣмъ, яко благословенъ еси во вѣки. Аминь.

Молитва 8, ко Господу нашему Іисусу Христу.

Господи, Іисусе Христе, Сыне Божій, ради честнѣйшія Матери Твоея, и безплотныхъ Твоихъ Ангелъ, Пророка же и Предтечи и Крестителя Твоего, богоглаголивыхъ же Апостолъ, свѣтлыхъ и доброобѣдныхъ мученикъ, преподобныхъ и богоносныхъ Отецъ, и всѣхъ Святыхъ молитвами, избави мя настоящаго обстоянія бѣсовскаго. Ей, Господи мой и Творче, не хотяй смерти грѣшнаго, но якоже обратися, и живу быти ему, даждь и мнѣ обращеніе окаянному и недостойному: изми мя отъ устъ пагубнаго змія, зіяющаго пожрети мя, и свести во адъ жива. Ей, Господи мой, утѣшеніе мое, иже мене ради окаяннаго въ тлѣнную плоть оболкійся, исторгни мя отъ окаянства, и утѣшеніе подаждь души моей окаяннѣй. Всади въ сердце мое твори-

ти Твоя повелѣнія, и оставити лукавая дѣянiя, и получитьи блаженства Твоя: на Тя бо Господи уповахъ, спаси мя.

Молитва 9.

Благаго Царя, благая Мати, пречистая и благословенная Богородице Маріе, милость Сына Твоего и Бога нашего излей на страстную мою душу, и Твоими молитвами настави мя на дѣянiя благая: да прочее время живота моего безъ порока преиду, и Тобою рай да обрящу, Богородице Дѣво, едина чистая и благословенная.

Молитва 10, ко святому Ангелу Хранителю.

Ангеле Христовъ, хранителю мой Святыи, и покровителю души и тѣла моего, вся ми прости, елика согрѣшихъ во днешній день: и отъ всякаго лукавствiя противнаго ми врага избави мя, да ни въ коемъ же грѣсѣ прогнѣваю Бога моего; но моли за мя грѣшнаго и недостойнаго раба: яко да достойна мя покажеша благости и милости Всесвятыя Троицы, и Матере Господа моего, Иисуса Христа, и всехъ Святыхъ. Аминь.

Таже кондакъ Богородицѣ:

Взбранной Воеводѣ побѣдительная, яко избавльшеся отъ злыхъ, благодарственная

восписуемъ Ти раби Твои, Богородице: но яко имущая державу непобѣдимую, отъ всякихъ насъ бѣдь свободи, да зовемъ Ти: радуйся, Невѣсто неневѣстная.

Таже.

Преславная Приснодѣво, Мати Христа Бога, принеси нашу молитву Сыну Твоему, и Богу нашему, да спасеть Тобою души наша.

Все упованіе мое на Тя возлагаю, Мати Божія, сохрани мя подъ кровомъ Твоимъ.

Богородице Дѣво, не презри мене грѣшнаго, требующа Твоя помощи, и Твоего заступленія: на Тя бо упова душа моя, и помилуй мя.

Таже, молитва святаго Іоаннікія.

Упованіе мое Отець, прибѣжище мое Сынъ, покровъ мой Духъ Святыи: Троице Святая, слава Тебѣ.

Таже.

Достойно есть, яко воистинну, блажити Тя Богородицу, Присноблаженную и Пренепорочную, и Матерь Бога нашего: честнѣйшую Херувимъ, и славнѣйшую безъ сравненія Серафимъ, безъ истлѣнія Бога Слова рождшую, сущую Богородицу, Тя величаемъ.

Слава Отцу и Сыну и Святому Духу, и
нынѣ и присно, и во вѣки вѣковъ. Аминь.

Господи, помилуй. (трижды). Благослови.

(И отпусти).

Господи Иисусе Христе, Сыне Божій,
молитвъ ради Пречистыя Твоя Матери, и
Преподобныхъ, и Богоносныхъ отецъ нашихъ,
и всѣхъ святыхъ, спаси мя грѣшнаго.

**Молитва святаго Іоанна Дамаскина, юже, указуя
на одръ твой, глаголи:**

Владыко человеколюбче, неужели мнѣ
одръ сей гробъ будетъ? или еще окаянную
мою душу просвѣтиши днемъ? се ми гробъ
предлежитъ, се ми смерть предстоитъ. Суда
Твоего, Господи, боюся и муки безконечныя,
злое же творя не престаю: Тебѣ Господа
Бога моего всегда прогнѣвляю, и Пречистую
Твою Матерь, и вся небесныя Силы, и свя-
таго Ангела хранителя моего. Вѣмъ бо, Го-
споди, яко недостойнъ есмь человеколюбія
Твоего, но достоинъ есмь всякаго осужденія
и муки. Но, Господи, или хощу, или не хо-
щу, спаси мя. Аще бо праведника спасеши,
ничтоже велие: и аще чистаго помилуеши,
ничтоже дивно: достойни бо суть милости
Твоя. Но на мнѣ грѣшнѣмъ удиви милость
Твою; о семъ яви человеколюбіе Твое, да

не одолѣеть моя злоба Твоей неизглаголаннѣй благодати и милосердію; и якоже хочещи, устрой о мнѣ вещь.

Исповѣданіе грѣховъ повседневное:

Исповѣдаю Тебѣ, Господу Богу моему и Творцу, во Святѣй Троицѣ единому, славному и поклоняемому, Отцу и Сыну и Святому Духу, вся моя грѣхи, яже содѣяхъ во вся дни живота моего, и на всякій часъ, и въ настоящее время, и въ прешедшія дни и нощи, дѣломъ, словомъ, помышленіемъ, объяденіемъ, пьянствомъ, тайнояденіемъ, лѣнностію, прекословіемъ, непослушаніемъ, оклеветаніемъ, осужденіемъ, небреженіемъ, самолюбіемъ, многостязаніемъ, хищеніемъ, неправдоглаголаніемъ, скверноприбытчествомъ, мшелоимствомъ, ревнованіемъ, завистію, гнѣвомъ, памятозлюбіемъ, ненавистію, лихоимствомъ, и всѣми моими чувствами: зрѣніемъ, слухомъ, обоняніемъ, вкусомъ, осязаніемъ, и прочими моими грѣхи, душевными вкупѣ и тѣлесными, имиже Тебе, Бога моего и Творца прогнѣвахъ, и ближняго моего онеправдовахъ; о сихъ жалѣю, винна себе Тебѣ, Богу моему, представляю, и имѣю волю каятися: точію, Господи Боже мой, помози ми, со слезами смиренно молю Тя; пре-

шедшая же согрѣшенія моя милосердіемъ Твоимъ прости ми, и разрѣши отъ всѣхъ сихъ, яже изглаголахъ предъ Тобою яко благъ и человѣколюбець.

И тако хотяй возлеци на постелю, глаголи сіе:

Просвѣти очи мои, Христе Боже, да не когда усну въ смерть, да не когда речеть врагъ мой: укрѣпихся на него.

Слава Отцу и Сыну и Святому Духу.

Заступникъ души моя буди, Боже, яко посредѣ хожду сѣтей многихъ: избави мя отъ нихъ, и спаси мя, Блаже, яко человѣколюбець.

И нынѣ и присно и во вѣки вѣковъ, аминь.

Богородичень: Преславную Божию Матерь, и святыхъ Ангель святѣйшую, немолчно воспоймъ сердцемъ и усты, Богородицу сію исповѣдающе, яко воистинну рождшую намъ Бога воплощенна, и молящуюся непрестанно о душахъ нашихъ.

Также цѣлуй крестъ твой и прекрести крестомъ мѣсто твое отъ главы и до ногъ, такожде и отъ всѣхъ странъ, глаголя молитву честному кресту.

Да воскреснетъ Богъ и расточатся врази Его: и да бѣжатъ отъ лица Его ненавидящіи Его. Яко исчезаетъ дымъ, да исчезнутъ; яко

таетъ воскъ отъ лица огня, тако да погибнуть бѣсы отъ лица любящихъ Бога, и знаменующихся крестнымъ знаменіемъ, и въ веселіи глаголющихъ: радуйся, пречестный и животворящій Кресте Господень, прогоняяй бѣсы силою на тебѣ пропятаго Господа нашего Іисуса Христа, во адъ сшедшаго, и поправшаго силу діаволу, и даровавшаго намъ тебе, Крестъ Свой честный, на прогнаніе всякаго супостата. О пречестный и животворящій Кресте Господень! помогай ми со Святою Госпожею Дѣвою Богородицею, и со всеми Святыми во вѣки. Аминь.

Ослаби, остави, прости, Боже, прегрѣшенія наша, вольная и невольная, яже въ словѣхъ и въ дѣлѣхъ, яже въ вѣдѣніи и не въ вѣдѣніи, яже во дни и въ нощи, яже во умѣхъ и въ помышленіи: вся намъ прости, яко благъ и человекѣлюбець.

Ненавидящихъ и обидящихъ насъ прости, Господи человекѣлюбче. Благотворящимъ благосотвори. Братіямъ и сродникомъ нашимъ даруй яже ко спасенію прошенія и жизнь вѣчную. Въ немощехъ сущія посѣти, и исцѣленіе даруй. Яже въ мори управи. Съ путешествующими спутешествуй. ИМПЕРАТОРУ споборствуй. Служащимъ и милующимъ насъ

грѣховъ оставленіе даруй. Заповѣдавшихъ намъ недостойнымъ молитися о нихъ помилуй по величїи Твоей милости. Помяни, Господи, прежде усопшихъ отецъ и братїи нашихъ, и упокой ихъ, идѣже приеѣщаетъ свѣтъ лица Твоего. Помяни, Господи, братїи нашихъ плѣненныхъ, и избави я отъ всякаго обстоянїя. Помяни, Господи, плодоносящихъ и добродѣлающихъ во святыхъ Твоихъ церквахъ, и даждь имъ, яже ко спасенїю прошенїя, и жизнь вѣчную. Помяни, Господи, и насъ смиренныхъ, и грѣшныхъ, и недостойныхъ рабъ Твоихъ: и просвѣти нашъ умъ свѣтомъ разума Твоего, и настави насъ на стезю заповѣдей Твоихъ, молитвами пречистыя Владычицы нашея Богородицы и приснодѣвы Марїи, и всѣхъ Твоихъ Святыхъ: яко благословенъ еси во вѣки вѣковъ. Аминь.

Таже перекрестися, и съ молитвою засни, помышляя день судный, како имаша предстати Богу.



Послѣдованіе ко Святому Причащенію.

Приидите, поклонимся Царевѣ нашему Богу.

Приидите, поклонимся и припадемъ Христу, Царевѣ нашему Богу.

Приидите, поклонимся и припадемъ самому Христу, Царевѣ и Богу нашему.

И настоящія псалмы.

Псаломъ 22.

Господь пасеть мя, и ничтоже мя лишитъ. На мѣстѣ злачнѣ, тамо всели мя: на водѣ покойнѣ воспита мя. Душу мою обрати, настави мя на стези правды, имене ради Своего. Аще бо и пойду посредѣ сѣни смертныхъ, не убоюся зла, яко Ты со мною еси: жезлъ Твой и палица Твоя, та мя утѣшиста. Уготовалъ еси предо мною трапезу, сопротивъ стужающимъ мнѣ: умастилъ еси елеомъ главу мою, и чаша Твоя упоявающи мя яко державна. И милость Твоя поженеть мя вся

дни живота моего: и еже вселитися ми въ домъ Господень, въ долготу дній.

Псаломъ 23.

Господня земля, и исполненіе ея, вселенная и вси живуціи на ней. Той на моряхъ основалъ ю есть, и на рѣкахъ уготовалъ ю есть. Кто взыдетъ на гору Господню? или кто станетъ на мѣстѣ святѣмъ Его? Неповиненъ руками, и чистъ сердцемъ, иже не пріятъ всеу душу свою, и не клялся лестію искреннему своему. Сей пріиметь благословеніе отъ Господа, и милостыню отъ Бога Спаса своего: сей родъ ищущихъ Господа, ищущихъ лице Бога Іаковля. Возмите врата князи вапа, и возмитесь врата вѣчная: и увидеть Царь славы. Кто есть сей Царь славы? Господь крѣпокъ и силенъ, Господь силенъ въ брани. Возмите врата князи вапа, и возмитесь врата вѣчная: и увидеть Царь славы. Кто есть сей Царь славы? Господь силъ, Той есть Царь славы.

Псаломъ 115.

Вѣровахъ, тѣмже возглаголахъ: азъ же смирихся зѣло. Азъ же рѣхъ во изступленіи моемъ: всякъ человѣкъ ложь. Что воздамъ Господеви о всѣхъ, яже воздаде ми? Чашу

спасенія прииму, и имя Господне призову. Молитвы моя Господеви воздамъ предъ всѣми людьми Его. Честна предъ Господемъ смерть преподобныхъ Его. О Господи, азъ рабъ Твой, азъ рабъ Твой, и сынъ рабыни Твоя: растерзалъ еси узы моя. Тебѣ пожру жертву хвалы, и во имя Господне призову. Молитвы моя Господеви воздамъ предъ всѣми людьми Его: во дворѣхъ Дому Господня, посредѣ тебѣ, Іерусалиме.

Слава: и нынѣ.

Аллилуіа, аллилуіа, аллилуіа, слава Тебѣ, Боже.

(Съ поклоны, трижды.)

И настоящія тропари, гласъ 8.

Беззаконія моя презри, Господи, отъ Дѣвы рождейся, и сердце мое очисти, храмъ то творя пречистому Твоему Тѣлу и Крови: ниже отрини мене отъ Твоего лица, безъ числа имѣяй велию милость.

Слава:

Во причастіе святынь Твоихъ како дерзну недостойный? аще бо дерзну къ Тебѣ приступити съ достойными, хитонъ мя обличаетъ яко нѣсть вечерній, и осужденіе исходатайствую многогрѣшной души моею: очисти, Господи, скверну души моя, и спаси мя, яко челоуѣколюбецъ.

И нынѣ:

Многая множества моихъ, Богородице, прегрѣшеній, къ Тебѣ прибѣгохъ, Чистая, спасенія требую: посѣти немощствующую мою душу и моли Сына Твоего и Бога нашего, дати ми оставленіе, яже содѣяхъ лютыхъ, едина благословенная.

И абіе канонъ. Гласъ 2.

Пѣснь 1.

Ирмосъ: Грядите людіе, поимъ пѣснь Христу Богу, раздѣльшему море, и наставльшему люди, яже изведе изъ работы Египетскія, яко прославися.

Стихъ: *Сердце чисто созиди во мнѣ, Боже, и духъ правъ обнови во утробѣ моей.*

Хлѣбъ живота вѣчнующаго да будетъ ми Тѣло Твое Святое, благоутробне Господи, и честная Кровь, и недугъ многообразныхъ исцѣленіе.

Стихъ: *Не отвержи мене отъ лица Твоего, и Духа Твоего Святаго не отыми отъ мене.*

Оскверненъ дѣлы безмѣстными окаанный, Твоего пречистаго Тѣла, и Божественныя Крове, недостойнъ есмь, Христе, причащенія, егоже мя сподоби.

Слава Отцу, и Сыну, и Святому Духу, и нынѣ, и присно, и во вѣки вѣковъ, аминь.

Земле благая, благословенная Богоневѣсто,
класъ прозябшая неоранный, и спасительный
міру, сподоби мя сей ядуща спастися.

Пѣснь 3.

На камени мя вѣры утвердивъ, расширилъ еси
уста моя на враги моя, возвеселися бо духъ мой, внигда
пѣти: нѣсть святъ, якоже Богъ нашъ, и нѣсть праведенъ,
паче Тебе, Господи.

*Сердце чисто созижди во мнѣ, Боже, и духъ правъ
обнови во утробѣ моей.*

Слезныя ми подаждь, Христе, капли, сквер-
ну сердца моего очищающія, яко да благою
совѣстію очищенъ, вѣрою прихожду и стра-
хомъ, Владыко, ко причащенію Божествен-
ныхъ Даровъ Твоихъ.

*Не отвержи мене отъ лица Твоего, и Духа Твоего
Святаго не отыми отъ мене.*

Во оставленіе да будетъ ми прегрѣшеній,
причистое Тѣло Твое и Божественная Кровь,
Духа же Святаго общеніе, и въ жизнь вѣч-
ную, Человѣколюбче, и страстей и скорбей
отчужденіе.

Слава: и нынѣ.

Хлѣба животнаго Трапеза Пресвятая, свы-
ше милости ради спедшаго, и мірови новый
животъ дающаго, и мене нынѣ сподоби не-

достойнаго, со страхомъ вкусити сего, и живу быти.

Пѣснь 4:

Пришелъ еси отъ Дѣвы, не ходатай, ни Ангелъ, но самъ, Господи, воплощся, и спаслъ еси всего мя человека: тѣмъ зову Ти: слава силѣ Твоей, Господи.

Сердце чисто созижди во мнѣ, Боже, и Духъ правъ обнови во утробѣ моей.

Восхотѣлъ еси насъ ради воплощся, Многомилостиве, закланъ быти, яко овча, грѣхъ ради человѣческихъ: тѣмже молю Тя, и моя очисти согрѣшенія.

Не отвержи мене отъ лица Твоего, и Духа Твоего Святаго не отыми отъ мене.

Исцѣли души моя язвы, Господи, и всего освяти: и сподоби, Владыко, яко да причащуся тайныя Твоя Божественныя вечера, окаянный.

Слава: и нынѣ.

Умилостиви и мнѣ Сущаго отъ утробы Твоя, Владычице: и соблюди мя нескверна раба Твоего, и непорочна, яко да приѣмъ умнаго бисера, освящуся.

Пѣснь 5:

Свѣта подателю, и вѣковъ Творче, Господи, во свѣтѣ Твоихъ повелѣній настави насъ: развѣ бо Тебе, иного Бога не знаемъ.

*Сердце чисто созижди во мнѣ, Боже, и духъ правъ
обнови во утробѣ моей.*

Якоже предрекль еси, Христе, да будетъ
убо худому рабу Твоему, и во мнѣ пребу-
ди, якоже обѣщался еси: се бо Тѣло Твое
ямъ Божественное, и пію Кровь Твою.

*Не отвержи мене отъ лица Твоего, и Духа Твоего
Святаго не отыми отъ мене.*

Слове Божій и Боже, угль Тѣла Твоего
да будетъ мнѣ помраченному въ просвѣще-
ніе, и очищеніе, оскверненной души моей
Кровь Твоя.

Слава: и нынѣ.

Маріе, Мати Божія, благоуханія честнос-
селеніе, Твоими молитвами сосудъ мя избран-
ный содѣлай, яко да освященій причащуся
Сына Твоего.

Пѣснь 6.

Въ безднѣ грѣховнѣй валяясь, неизслѣдную мило-
сердія Твоего призываю бездну: отъ тли, Боже, мя возведи.

*Сердце чисто созижди во мнѣ, Боже, и духъ правъ
обнови во утробѣ моей.*

Умъ, душу и сердце освяти, Спасе, и
тѣло мое: и сподоби неосужденно, Владыко,
къ страшнымъ Тайнамъ приступити.

*Не отвержи мене отъ лица Твоего, и Духа Твоего
Святаго не отыми отъ мене.*

Дабы устранился отъ страстей, и Твоя благодати имѣлъ бы приложеніе, живота же утвержденіе, причащеніемъ Святыхъ, Христе, Таинъ Твоихъ.

Слава: и нынѣ.

Божіе, Боже, Слово Святое, всего мя освяти, нынѣ приходящаго къ Божественнымъ Твоимъ Тайнамъ, Святыя Матери Твоя мольбами.

Кондакъ, гласъ 2:

Хлѣбъ, Христе, взяти не презри мя, Тѣло Твое и Божественную Твою нынѣ кровь, пречистыхъ, Владыко, и страшныхъ Твоихъ Таинъ причаститися окаяннаго: да не будетъ ми въ судъ, да будетъ же ми въ животъ вѣчный и безсмертный.

Пѣснь 7.

Тѣлу златому премудрыя дѣти не послужиша, и въ пламень сами поидоша, и боги ихъ обругаша: среди пламене возопиша, и ороси я Ангель: услышася уже устъ вашихъ молитва.

Сердце чисто созижди во мнѣ, Боже, и духъ правъ обнови во утробѣ моей.

Источникъ благихъ, причащеніе, Христе, безсмертныхъ Твоихъ нынѣ Таинствъ, да будетъ ми свѣтъ, и животъ, и безстрастіе, и къ преспѣянію же и умноженію добродѣтели

Божественнѣйшія ходатайственно, едине блаже, яко да славлю Тя.

Не отвержи мене отъ лица Твоего, и Духа Твоего Святаго не отыми отъ мене.

Да избавлюся отъ страстей, и враговъ, и нужды, и всякія скорби, трепетомъ и любовію, со благоговѣніемъ, Человѣколюбче, приступаяй нынѣ къ Твоимъ безсмертнымъ и Божественнымъ Тайнамъ, и пѣти Тебѣ сподоби: благословенъ еси, Господи, Боже отецъ нашихъ.

Слава: и нынѣ.

Спаса Христа рождшая паче ума, Богоблагодатная, молю Тя нынѣ рабъ Твой, чистую нечистый: хотящаго мя нынѣ къ пречистымъ Тайнамъ приступити, очисти всего отъ скверны плоти и духа.

Пѣснь 8.

Въ пещь огненную ко отрокомъ Еврейскимъ спешаго, и пламень въ росу преложшаго Бога, пойте дѣла, яко Господа, и превозносите во вся вѣки.

Сердце чисто созижди во мнѣ, Боже, и духъ правъ обнови во утробѣ моей.

Источникъ благихъ, причащеніе, Христе, безсмертныхъ Твоихъ нынѣ Таинствъ, да будетъ ми свѣтъ, и животъ, и безстрастіе, и къ преспѣянію же и умноженію добродѣтели

Божественнѣйшія ходатайственно, едине Блаже, яко да славлю Тя.

Не отвержи мене отъ лица Твоего, и Духа Твоего Святаго не отыми отъ мене.

Подъ Твое прибѣгъ благоутробіе, Блаже, со страхомъ зову Ти: во мнѣ пребуди, Спасе, и азъ, якоже реклъ еси, въ Тебѣ: се бо дерзая на милость Твою, ямъ Тѣло Твое и пію Кровь Твою.

Слава: и нынѣ:

Трепещу приѣмля огонь, да не опалюся, яко воскъ, и яко трава. Оле страшнаго таинства! Оле благоутробія Божія! како Божественнаго Тѣла и Крове, брєніе причащаюся, и нетлѣненъ сотворяюся.

Пѣснь 9.

Безначальна Родителя Сынъ, Богъ и Господь, воплощєя отъ Дѣвы, намъ явися, омраченна прєсвѣтити, собрати расточенна: тѣмъ всепѣтую Богородицу величаемъ.

Сердце чисто созижди во мнѣ, Боже, и духъ правъ обнови во утробѣ моей.

Христосъ есть, вкусите и видите: Господь насъ ради, по намъ бо древле бывый, единою Себе принесъ, яко приношеніе Отцу Своему, присно закалается, освящай причащающіа.

Не отвержи мене отъ лица Твоего, и Духа Твоего Святаго не отыми отъ мене.

Душею и тѣломъ да освящуся, Владыко, да просвѣщуся, да спасуся, да буду домъ Твой, причащеніемъ священныхъ Таинъ, живущаго Тя имѣя въ себѣ со Отцемъ и Духомъ, Благодѣтелю многомилостиве.

Слава:

Якоже огонь да будетъ ми, и яко свѣтъ Тѣло Твое и Кровь, Спасе мой, пречестная, опаляя грѣховное вещество, сжигая же страстей терніе, и всего мя просвѣщая, поклонятися Божеству Твоему.

И нынѣ.

Богъ воплотися отъ чистыхъ кровей Твоихъ: тѣмже всякій родъ постъ Тя, Владычице, умная же множества славятъ, яко Тобою явѣ узрѣша всѣми владычествующаго, осуществовавшагося человѣчествомъ.

И абіе:

Достойно есть, яко воистинцу блажити Тя, Богородицу, присноблаженную и пренепорочную, и Матерь Бога нашего: честнѣйшую Херувимъ, и славнѣйшую безъ сравненія Серафимъ, безъ истлѣнія Бога Слова рождшую, сущую Богородицу, Тя величаемъ.

Святыи Боже, Святыи крѣпкій, Святыи безсмертный, помилуй насъ. *(Трижды.)*

Слава Отцу, и Сыну, и Святому Духу, и нынѣ, и присно, и во вѣки вѣковъ, аминь.

Пресвятая Троице, помилуй насъ; Господи, очисти грѣхи наша; Владыко, прости беззаконія наша, Святыи, посѣти и исцѣли немощи наша, имене Твоего ради.

Господи помилуй, трижды.

Слава: и нынѣ.

Отче нашъ, Иже еси на небесѣхъ! да святится имя Твое; да придетъ царствіе Твое; да будетъ воля Твоя, яко на небеси и на земли; хлѣбъ нашъ насущный даждь намъ днесь; и остави намъ долги наша, якоже и мы оставляемъ должникомъ нашимъ; и не введи насъ во искушеніе, но избави насъ отъ лукаваго.

**Тропарь дне. Аще есть праздникъ Христова
Рождества, или иной.**

Аще же ни, сія: гл. 6-й.

Помилуй насъ, Господи, помилуй насъ: всякаго бо отвѣта недоумѣюще, сію Ти молитву яко Владыцѣ грѣшнии приносимъ: помилуй насъ.

Слава Отцу и Сыну, и Святому Духу.

Господи, помилуй насъ, на Тя бо уповахомъ; не прогнѣвайся на ны зѣло, ниже по-

мяни беззаконій нашихъ: но призри и нынѣ, яко благоутробенъ, и избави ны отъ врагъ нашихъ: Ты бо еси Богъ нашъ, и мы людіе Твои, вси дѣла руку Твоею, и имя Твое призываемъ.

И нынѣ и присно, и во вѣки вѣковъ, аминь.

Милосердія двери отверзи намъ, благословенная Богородице, надѣющіеся на Тя да не погибнемъ, но да избавимся Тобою отъ бѣдъ: Ты бо еси спасеніе рода христіанскаго.

Господи помилуй 40.

Молитва Пресвятѣй Богородицѣ.

Нескверная, неблазная, нетлѣнная, пречистая, чистая Дѣво, Богоневѣсто Владычице, яже Бога Слова человѣкомъ, преславнымъ Твоимъ рождествомъ соединившая, и отринувшееся естество рода нашего небеснымъ совокупльшая: яже ненадежныхъ едина надежда, и боримыхъ помощи, готовое заступленіе къ Тебѣ притекающихъ, и всѣхъ христіанъ прибѣжище: не гнушайся мене грѣшнаго, сквернаго, скверными помыслы, и словесы, и дѣянми всего себе непотребна сотворша, и разумомъ лѣности сластей житія раба бывша. Но яко человѣколюбиваго Бога Мати, человѣколюбнѣ умиласердися о мнѣ грѣшнѣмъ и блуднѣмъ, и пріими мое,

еже отъ скверныхъ устенъ приносимое Тебѣ моленіе: и Твоего Сына, и нашего Владыку и Господа, матернее Твое дерзновеніе употребляющи, моли, да отверзетъ и мнѣ чловѣколюбныя утробы Свояя благодати, и презрѣвъ моя безчисленныя прегрѣшенія, обрати мя къ покаянію, и Своихъ заповѣдей дѣлателя искусна явити мя. И предстани мнѣ присно яко милостивая, и милосердая и боголюбивая, въ настоящемъ убо житіи теплая предстательнице, и помощнице, сопротивныхъ нашествія отгоняющи, и ко спасенію наставляющи мя, и во время исхода моего окаянную мою душу соблюдающи, и темныя зраки лукавыхъ бѣсовъ далече отъ нея отгоняющи, въ страшный же день суда, вѣчныя мя избавляющи муки, и неизреченныя славы Твоего Сына и Бога нашего наследника мя показующи, юже и да улучу, Владычице моя, пресвятая Богородице, Твоимъ ходатайствомъ и заступленіемъ, благодатию и чловѣколюбіемъ Единороднаго Сына Твоего, Господа и Бога и Спаса нашего Іисуса Христа: Емуже подобаетъ всякая слава, честь и поклоненіе, со Безначальнымъ Его Отцемъ, и пресвятымъ и благимъ и животворящимъ Его Духомъ, нынѣ и присно, и во вѣки вѣковъ, аминь.

И абіе настоящія стихи:

Хотя ясти, человѣче, Тѣло Владычне,
Страхомъ приступи, да не опалишия,
огнь есть.
Божественную же пія Кровь ко общенію,
Первѣе примирися, тя опечалившимъ.
Таже, дерзая, таинственное брашно яждь.

Ины стихи:

Прежде причастія страшныя жертвы,
Животворящаго Тѣла Владычня,
Симъ помолися образомъ, со трепетомъ:

Молитва Великаго Василия, 1.

Владыко, Господи, Іисусе Христе, Боже нашъ, источниче жизни и безсмертія, всея твари видимыя и невидимыя Содѣтелю, безначальнаго Отца соприносущный Сыне, и собезначальный, премногія ради благости, въ послѣднія дни въ плоть оболкѣйся и распныйся, и погребыйся за ны неблагодарныя и злонравныя, и Своею кровію обновивый растлѣвшее грѣхомъ естество наше, Самъ безсмертный Царю, пріими и мое грѣшное покаянiе, и приклони ухо Твое мнѣ, и услыши глаголы моя: согрѣшихъ бо, Господи, согрѣшихъ на небо и предъ Тобою, и нѣсмь достоинъ воззрѣти на высоту славы Твоя:

прогнѣвахъ бо Твою благодѣть, Твоя заповѣди преступивъ, и не послушавъ Твоихъ повелѣній. Но Ты, Господи, незлобивъ сый, долготерпѣливъ же и многомилостивъ, не предашь еси мя погибнути со беззаконни моими, моего всячески ожидая обращенія: Ты бо реклъ еси, Человѣколюбче, Пророкомъ Твоимъ: яко хотѣніемъ не хочу смерти грѣшника, но еже обратитися и живу быти ему. Не хоцещи бо, Владыко, созданія Твоею руку погубити, ниже благоволиши о погибели человѣчестѣй, но хоцещи всеѣмъ спастися, и въ разумъ истины пріити. Тѣмже и азъ, аще и недостойнъ есмь небеси и земли, и сея привременная жизни, всего себе повинувъ грѣху, и сластемъ поработивъ, и Твой осквернивъ образъ: но твореніе и созданіе Твое бывъ, не отчаяваю своего спасенія, окаянный, на Твое же безмѣрное благоутробіе дерзая прихожду. Пріими убо и мене, человѣколюбче Господи, якоже блудницу, яко разбойника, яко мытаря и яко блуднаго: и возми мое тяжкое бремя грѣховъ, грѣхъ возьми міра, и немощи человѣчeskія исцѣляй, труждающіяся и обремененныя къ Себѣ призываяй, и упокоеваяй, не пришедый призвати праведныя, но грѣшныя на покаяніе: и очисти мя отъ всякія скверны плоти и духа, и научи мя совершати святую во

страсъ Твоемъ: яко да чистымъ свѣдѣніемъ совѣсти моея, святынь Твоихъ часть пріемля, соединюся Святому Тѣлу Твоему и Крови, и имѣю Тебе, во мнѣ живуща и пребывающа, со Отцемъ и Святымъ Твоимъ Духомъ. Ей, Господи, Иисусе Христе, Боже мой: и да не въ судъ ми будетъ причастіе пречистыхъ и животворящихъ Таинъ Твоихъ, ниже да немощенъ буду душею же и тѣломъ, отъ еже недостойнѣ тѣмъ причащатися: но даждь ми даже до конечнаго моего издыханія, неосужденно воспріимати часть святынь Твоихъ въ Духа Святаго общеніе, въ напутіе живота вѣчнаго, и во благопріятенъ отвѣтъ на страшнѣмъ судищи Твоемъ: яко да и азъ со всѣми избранными Твоими, общникъ буду нетлѣнныхъ Твоихъ благъ, яже уготовалъ еси любящимъ Тя, Господи: въ нихже препрославленъ еси во вѣки. Аминь.

**Молитва иная, иже во святыхъ отца нашего Іоанна
Златоустаго, 2.**

Господи, Боже мой, вѣмъ, яко нѣсмь достоинъ, ниже доволенъ да подъ кровъ внидеши храма души моея, занеже весь пустъ и пался есть, и не имаша во мнѣ мѣста достойна, еже главу подклонити: но якоже съ высоты насъ ради смирилъ еси Себе, смирися и нынѣ

смирению моему: и якоже восприялъ еси въ вертепъ и въ яслехъ безсловесныхъ возлещи, сице восприми и въ яслехъ безсловесныхъ моя душа, и во оскверненное мое тѣло внити. И якоже не удостоилъ еси внити, и свечеряти со грѣшники въ дому Симона прокаженнаго; тако изволи внити и въ домъ смиренныя моя души, прокаженныя и грѣбныя. И якоже не отринулъ еси подобную мнѣ блудницу, и грѣбную пришедшую и прикоснувшуюся Тебѣ: сице умилосердися и о мнѣ грѣшнѣмъ, приходящемъ и прикасающемся; и якоже не возгнушался еси скверныхъ ея усть и нечистыхъ, цѣлующихъ Тя, ниже моихъ возгнушайся скверныхъ оныхъ усть и нечистыхъ, ниже мерзкихъ моихъ и нечистыхъ устенъ, и сквернаго и нечистѣйшаго моего языка. Но да будетъ ми угль пресвятаго Твоего Тѣла, и честныя Твоя Крове, во освященіе и просвѣщеніе, и здравіе смиреннѣйшей моей души и тѣлу: во облегченіе тяжестей многихъ моихъ согрѣшеній, въ соблюденіе отъ всякаго діавольскаго дѣйства, во отгнаніе и возбраненіе злаго моего и лукаваго обычая, во умерщвленіе страстей, въ снабдѣніе заповѣдей Твоихъ, въ приложеніе Божественныя Твоя благодати, и Твоего царствія присвоеніе. Не бо яко презираяй

прихожду къ Тебѣ, Христе Боже, но яко дерзая на неизреченную Твою благодать, и да не на мнозѣ удаляясь общенія Твоего, отъ мысленнаго волка звѣроуловленъ буду. Тѣмже молюся Тебѣ: яко единъ сый святъ, Владыко, освяти мою душу и тѣло, умъ и сердце, чревеса и утробы, и всего мя обнови, и вкорени страхъ Твой во удесѣхъ моихъ, и освященіе Твое неотъемлемо отъ меня сотвори: и буди ми помощникъ и заступникъ, окормляя въ мирѣ животъ мой, сподобляя мя и одесную Тебе предстоянія со Святыми Твоими, молитвами и моленми пречистыя Твоея Матери: невещественныхъ Твоихъ служителей и пречистыхъ Силъ, и всѣхъ Святыхъ, отъ вѣка Тебѣ благоугодившихъ. Аминь.

Молитва иная, Симеона Метафраста, 3.

Едине чистый и нетлѣнный Господи, за неизреченную милость человѣколюбія, наше все воспріемый смѣшеніе, отъ чистыхъ и Дѣвственныхъ кровей, паче естества рождшія Тя, Духа Божественнаго нашествіемъ, и благоволеніемъ Отца присносущнаго, Христе Іисусе, премудросте Божія, и мире, и сило: Твоимъ воспріятіемъ, животворящая и спасительная страданія воспріемый, крестъ, гвоздія, копіе, смерть: умертви моя душетлѣнныя страсти

тѣлесныя. Погребеніемъ Твоимъ адова плѣ-
ниый царствія, погреби моя благими помыслы
лукавая совѣтованія, и лукавствія духи разори.
Триднєвнымъ Твоимъ и живоноснымъ воскре-
сеніемъ падшаго праотца возставивый, воз-
стави мя, грѣхомъ поползнагося, образы мнѣ
покаянія предлагаяй. Преславнымъ Твоимъ
вознесеніемъ плотское обоживый воспріятіе,
и сіе деснымъ Отца сѣдѣніемъ почтый, спо-
доби мя причастіемъ Святыхъ Твоихъ Таинъ,
десную часть спасаемыхъ получитьи. Снитіемъ
Утѣшителя Твоею Духа, сосуды честны свя-
щенныя Твоя ученики содѣлавый, пріятелище
и мене покажи Того пришествія. Хотяй паки
пріити судити вселеннѣй правдою, благоволи
и мнѣ усерѣсти Тя на облацѣхъ, Судію и Соз-
дателя моего, со всѣми Святыми Твоими,
да безконечно славословлю и воспѣваю Тя,
со безначальнымъ Твоимъ Отцемъ, и пресвя-
тымъ, и благимъ, и животворящимъ Твоимъ
Духомъ, нынѣ и присно, и во вѣки вѣковъ.
Аминь.

Молитва иная, тогожде, 4.

Яко на страшнѣмъ Твоемъ и нелицепріем-
нѣмъ предстоай судилищи, Христе Боже,
и осужденія подъемля, и слово творя о со-
дѣянныхъ мною злыхъ: сице днесь, прежде

даже не пріити днєви осужденія моего, у святаго Твоего жертвенника предстою предъ Тобою, и предъ страиными и Святыми Ангелы Твоими, преклоненъ отъ своєа совѣсти, приношу лукавая моя и беззаконная дѣянія, являяй сія, и обличаяй. Виждь, Господи, смиреніе мое, и остави вся грѣхи моя; виждь яко умножишася паче власъ главы моя беззаконія моя. Кое убо не содѣяхъ зло? кій грѣхъ не сотворихъ? кое зло не вообразихъ въ души моей? уже бо и дѣлы содѣяхъ: блудъ, прелюбодѣйство, гордость, киченіе, укореніе, хулу, празднословіе, смѣхъ неподобный, пьянство, гортанобѣсіе, объяденіе, пенависть, зависть, сребролюбіе, любостыжаніе, лихоимство, самолюбіе, славолубіе, хищеніе, неправду, злопріобрѣтеніе, ревность, оклеветаніе, беззаконіе: всякое мое чувство и всякій удъ осквернихъ, растлихъ, непотребенъ сотворихъ, дѣлателище бывъ всячески діаволе. И вѣмъ, Господи, яко беззаконія моя превзыдоша главу мою: но безмѣрно есть множество щедротъ Твоихъ, и милость неизреченна незлобивыя Твоея благости, и нѣсть грѣхъ побѣждающъ чловѣколюбіе Твое. Тѣмже, пречудный Царю, незлобиве Господи, удиви и на мнѣ грѣшнѣмъ милости Твоя, покажи благости Твоея силу, и яви

крѣпость благоутробнаго милосердія Твоего, и обращающаяся пріими мя грѣшнаго. Пріими мя, якоже пріялъ еси блуднаго, разбойника, блудницу. Пріими мя, пребезмѣрнѣ и словомъ, и дѣломъ, и похотию безмѣстною, и помышленіемъ безсловеснымъ согрѣшивша Тебѣ. И якоже во единоедесятый часъ прішедшихъ пріялъ еси, ничтоже достойно содѣлавшихъ, тако пріими и мене грѣшнаго: много бо согрѣшихъ, и осквернихся, и опечалихъ Духа Твоего Святаго, и огорчихъ челоуѣколюбную утробу Твою, и дѣломъ, и словомъ, и помышленіемъ, въ нощи и во дни, явленнѣ же и неявленнѣ, волею же и неволею. И вѣмъ, яко представиши грѣхи моя предо мною таковы, яковы же мною содѣяшася, и истязеши слово со мною, о ихже разумомъ непрощенно согрѣшихъ. Но Господи, Господи, да не праведнымъ судомъ Твоимъ, ниже яростію Твоею обличиши мя, ниже гнѣвомъ Твоимъ накажеши мене: помилуй мя, Господи, яко не токмо немощенъ есмь, но и Твое есмь созданіе. Ты убо, Господи, утвердилъ еси на мнѣ страхъ Твой, азъ же лукавое предъ Тобою сотворихъ. Тебѣ убо Единому согрѣшихъ; но молю Тя, не вниди въ судъ съ рабомъ Твоимъ: аще бо беззаконія назриши, Господи, Господи, кто

постоить? азъ бо есмь пучина грѣха, и нѣсмь
достойнъ, ниже доволенъ возрѣти, и видѣти
высоту небесную, отъ множества грѣховъ
моихъ, ихже нѣсть числа: всякое бо злодѣя-
ніе, и коварство, и ухищреніе сатанино, и
растлѣнія, истицанія, рукоблудіе, дѣтораствѣ-
нія, злопомнѣнія, совѣтованія ко грѣху, скоп-
танія, и иныя тьмочисленныя страсти не
оскудѣша отъ мене; кѣми бо не растлихся
грѣхи? кѣми не содержахся злыми? всякъ
грѣхъ содѣяхъ, всяку нечистоту вложилъ
въ душу мою, непотребенъ быхъ Тебѣ Богу
моему и человѣкомъ. Кто возставитъ мя, въ
сицевая злая и толика падшаго согрѣшенія?
Господи, Боже мой, на Тя уповахъ: еще есть
ми спасенія упованіе, еще побѣждаетъ че-
ловѣколюбіе Твое множества беззаконій мо-
ихъ, буди ми Спаситель: и по щедротамъ
Твоимъ, и милостемъ Твоимъ, ослаби, оста-
ви, прости ми вся, елика Ти согрѣшихъ, яко
многихъ золь исполнися душа моя, и нѣсть
во мнѣ спасенія надежды. Помилуй мя, Бо-
же, по велицѣй милости Твоей, и не воз-
даждь ми по дѣломъ моимъ, и не осуди мя
по дѣяніемъ моимъ: но обрати, заступи, из-
бави душу мою отъ совозрастающихъ ей золь,
и лютыхъ воспріятій. Спаси мя ради милости
Твоя: да идѣже умножися грѣхъ, преизоби-

луетъ благодать Твоя: и восхваляю, и прославляю Тя всегда, вся дни живота моего. Ты бо еси Богъ кающихся, и Спасъ согрѣшающихъ, и Тебѣ славу возсылаемъ, со безначальнымъ Твоимъ Отцемъ, и пресвятымъ, и благимъ, и животворящимъ Твоимъ Духомъ, нынѣ и присно, и во вѣки вѣковъ. Аминь.

Божественнаго Дамаскина, 5.

Владыко, Господи, Иисусе, Христе, Боже нашъ, едине имѣй власть человѣкомъ оставляти грѣхы, яко благо и человѣколюбецъ, презри моя вся въ вѣдѣніи и не въ вѣдѣніи прегрѣшенія. И сподоби мя, неосужденно причаститися Божественныхъ, и преславныхъ, и пречистыхъ, и животворящихъ Твоихъ Таинъ, не въ тяжесть, ни въ муку, ни въ приложеніе грѣховъ: но во очищеніе, и освященіе, и обрученіе будущаго живота и царствія, въ стѣну и помощь, и въ возраженіе сопротивныхъ, во истребленіе многихъ моихъ согрѣшеній. Ты бо еси Богъ милости, и щедротъ, и человѣколюбія, и Тебѣ славу возсылаемъ, со Отцемъ, и Святымъ Духомъ, нынѣ и присно, и во вѣки вѣковъ. Аминь.

Великаго Василия, 6.

Вѣмъ, Господи, яко недостойнѣ причащаюся пречистаго Твоего Тѣла и честныя Твоея

Крове, и повиненъ есмь, и судъ себѣ ямъ и шю, не разсуждая Тѣла и Крове Тебѣ, Христа и Бога моего: но на щедроты Твоя дерзая, прихожду къ Тебѣ рекшему: ядый Мою Плоть, и пій Мойю Кровь, во Мнѣ пребываетъ, и Азъ въ немъ. Умилосердися убо, Господи, и не обличи мя грѣшнаго, но сотвори со мною по милости Твоей: и да будутъ ми святая сія, во исцѣленіе, и очищеніе, и просвѣщеніе, и сохраненіе и спасеніе, и во освященіе души и тѣла: во отгнаніе всякаго мечтанія, и лукаваго дѣянія и дѣйства діавольскаго, мысленнѣ во удесѣхъ моихъ дѣйствуемаго, въ дерзновеніе и любовь яже къ Тебѣ: во исправленіе житія и утвержденіе, въ возвращеніе добродѣтели и совершенства, во исполненіе заповѣдей, въ Духа Святаго общеніе, въ напутіе живота вѣчнаго, во отвѣтъ благопріятель на страшнѣмъ судищи Твоемъ: не въ судъ или во осужденіе.

Молитва иная, отъ божественныхъ вопрошеній Святаго Причащенія, Симеона новаго Богослова, 7.

Отъ скверныхъ устенъ, отъ мерзкаго сердца, отъ нечистаго языка, отъ души осквернены, пріими моленіе, Христе мой, и не презри моихъ ни словесъ, ниже образовъ, ниже безстудія. Дажь ми дерзновенно глаголати,

яже хочу, Христе мой: паче же и научи мя, что ми подобаетъ творити и глаголати. Согрѣшихъ паче блудницы, яже увѣдѣ гдѣ обитаеши, и муро купивши, прииде дерзостнѣ помазати Твои позѣ, Бога моего, Владыки и Христа моего. Якоже ону не отринуть еси пришедшую отъ сердца, ниже мене возгнунайся, Слове: Твои же ми подаждь позѣ, и держати и цѣловати, и струями слезными, яко многоцѣннымъ муромъ, сія дерзостно помазати. Омый мя слезами моими, очисти мя ими, Слове. Остави и прегрѣшенія моя, и прощеніе ми подаждь. Вѣси золь множество, вѣси и струны моя, и язвы зриши моя: но и вѣру вѣси, и произволеніе зриши, и воздыханіе слышиши. Не таится Тебе, Боже мой, Творче мой, Избавителю мой, ниже капля слезная, ниже капли часть нѣкая. Несодѣланное мое видѣстѣ очи Твои: въ книзѣ же Твоей и еще несодѣянная написана Тебѣ суть. Виждь смиреніе мое, виждь трудъ мой еликъ; и грѣхи вся остави ми, Боже всяческихъ, да чистымъ сердцемъ, притрепетною мыслію, и душею сокрушенною нескверныхъ Твоихъ причащуся и пресвятыхъ Таинъ, ими же оживляется и обожается всякъ ядый же и пійай, чистымъ сердцемъ: Ты бо реклъ еси, Владыко мой: всякъ ядый Мою Плоть и пійай

Мою Кровь, во Мнѣ убо сей пребываетъ, въ немъ же и Азь есмь. Истинно слово всяко Владыки и Бога моего: Божественныхъ бо причащайся и Боготворящихъ благодатей, не убо есмь единъ, но съ Тобою, Христе мой, Свѣтомъ трисолнечнымъ, просвѣщающимъ міръ. Да убо не единъ пребуду кромѣ Тебе Живодавца, дыханія моего, живота моего, радованія моего, спасенія міру. Сего ради къ Тебѣ приступихъ, якоже зриши со слезами, и душою сокрушенною, избавленія моихъ прегрѣшеній прошу пріяти ми, и Твоихъ живодательныхъ и непорочныхъ Таинствъ причаститися неосужденно. Да пребудеши, якоже реклъ еси, со мною треокаяннымъ, да не кромѣ обрѣтъ мя Твоея благодати прелестникъ, восхититъ мя льстивнѣ, и прелестивъ отведетъ Боготворящихъ Твоихъ словесъ. Сего ради къ Тебѣ припадаю, и теплѣ вошю Ти: якоже блуднаго пріялъ еси, и блудницу пришедшую: тако пріими мя блуднаго и сквернаго, щедре. Душою сокрушенною, нынѣ бо къ Тебѣ приходя, вѣмъ, Спасе, яко иной, якоже азъ, не прегрѣши Тебѣ, ниже содѣя дѣянія, яже азъ содѣяхъ. Но сіе паки вѣмъ, яко не величество прегрѣшеній, ни грѣховъ множество превосходитъ Бога моего многое долготерпѣніе и челоуѣ-

колюбіе крайнее: но милостію сострастія, теплѣ кающіяся, и чистини, и свѣтлиши, и Свѣта твориши причастники, общники Божества Твоего содѣловаяй, независтно: и странное и Ангеломъ и человѣческимъ мыслемъ, бесѣдуеши имъ многажды, якоже другомъ Твоимъ истиннымъ. Сія дерзостна творять мя, сія вперяють мя, Христе мой. И дерзая Твоимъ богатымъ къ намъ благодѣянїемъ, радуяся вкушѣ и трепеща, Огневи причащаюся, трава сый, и странно чудо, орошаемъ неопально, якоже убо купина древле неопальнѣ горящи. Нынѣ благодарною мыслию, благодарнымъ же сердцемъ, благодарными удесы моими, души и тѣла моего, поклоняюся и величаю, и славословлю Тя, Боже мой, яко благословенна суща, нынѣ же и во вѣки.

Молитва иная, Златоустаго, 8.

Боже, ослаби, остави, прости ми согрѣшенія моя, елика Ти согрѣшихъ, аще словомъ, аще дѣломъ, аще помышленїемъ, волею или неволею, разумомъ или неразумїемъ: вся ми прости, яко благъ и человѣколюбецъ. И молитвами пречистыя Твоея Матере, умныхъ Твоихъ служителей, и святыхъ Силь, и всѣхъ Святыхъ, отъ вѣка Тебѣ благоудив-

шихъ, неосужденно благоволи пріяти ми святое и пречистое Твое Тѣло и честную Кровь, во исцѣленіе души же и тѣла, и во очищеніе лукавыхъ моихъ помышленій. Яко Твое есть царство, и сила, и слава, со Отцемъ и Святымъ Духомъ, нынѣ и присно, и во вѣки вѣковъ. Аминь.

Тогожде, 9.

Нѣсмь доволенъ, Владыко Господи, да видешаи подъ кровъ души моея: но понеже хочещи Ты, яко челоуѣколюбець, жити во мнѣ, дерзая приступаю: повелѣваещи, да отверзу двери, яже Ты единъ создалъ еси, и видешаи со челоуѣколюбіемъ, якоже еси: видешаи и просвѣщаещи помраченный мой помыслъ. Вѣрую, яко сіе сотвориши: не бо блудницу, со слезами пришедшую къ Тебѣ, отгналъ еси: ниже мытаря отвергль еси покающаяся: ниже разбойника, познавши царство Твое, отгналъ еси: ниже гонителя покающаяся оставилъ еси, еже бѣ: но отъ покаянія Тебѣ пришедшія вся, въ лицѣ Твоихъ друзей вчинилъ еси, единъ съй благословенный всегда, нынѣ и въ безконечныя вѣки. Аминь.

Тогожде: 10.

Господи Иисусе Христе, Боже мой, ослаби, остави, очисти и прости ми грѣшному, и не-

потребному, и недостойному рабу Твоему, прегрѣшенія, и согрѣшенія, и грѣхонаденія моя, елика Ти отъ юности моя, даже до настоящаго дне и часа согрѣшихъ: аще въ разумѣ и въ неразуміи, аще въ словесѣхъ или дѣлѣхъ, или помышленіихъ и мыслехъ, и начинаніихъ, и всѣхъ моихъ чувствахъ. И молитвами безсѣменно рождшія Тя, пречистыя и приснодѣвы Маріи, Матере Твоея, единыя непостыдныя надежды и представительства, и спасенія моего, сподоби мя неосужденно причаститися пречистыхъ безсмертныхъ, животворящихъ и страшныхъ Твоихъ Таинствъ, во оставленіе грѣховъ и въ жизнь вѣчную, во освященіе и просвѣщеніе, крѣпость, исцѣленіе и здравіе души же и тѣла, и въ потребленіе, и всесовершенное погубленіе лукавыхъ моихъ помысловъ и помышленій, и предпріятій, и нощныхъ мечтаній, темныхъ и лукавыхъ духовъ: яко Твое есть царство и сила, и слава, и честь, и поклоненіе, со Отцемъ и Святымъ Твоимъ Духомъ, нынѣ и присно, и во вѣки вѣковъ. Аминь.

Молитва иная, Іоанна Дамаскина, 11.

Предъ дверьми храма Твоего предстою, и лютыхъ помышленій не отступаю: но Ты,

Христе Боже, мытаря оправдивый, и Хананею помиловавый и разбойнику рая двери отверзый: отверзи ми утробы челоуѣколюбія Твоего, и приими мя проходяща и прикасающася Тебѣ, яко блудницу и кровоточивую: ова убо края ризы Твоя коснувшися, удобь исцѣленіе пріять: ова же пречистѣи Твои нозѣ удержавши, разрѣшеніе грѣховъ понесе: азъ же окаянный, все Твое Тѣло дерзая воспріяти, да не опаленъ буду: но приими мя, якоже оныя, и просвѣти моя душевныя чувства, поपालя моя грѣховныя вины, молитвами безсѣменно рождшія Тя, и небесныхъ Силь, яко благословенъ еси во вѣки вѣковъ. Аминь.

Молитва иная, Златоустаго, 12.

Вѣрую, Господи, и исповѣдую, яко ты еси воистинну Христосъ, Сынъ Бога живаго, пришедый въ міръ грѣшныя спасти, отъ нихже первый есмь азъ. Еще вѣрую, яко сіе есть самое пречистое Тѣло Твое, и сія есть самая честная Кровь Твоя. Молюся убо Тебѣ: помилуй мя, и прости ми прегрѣшенія моя, вольная и невольная, яже словомъ, яже дѣломъ, яже вѣдѣніемъ и невѣдѣніемъ: и сподоби мя неосужденно причаститися пре-

чистыхъ Твоихъ Таинствъ, во оставленіе грѣховъ, и въ жизнь вѣчную. Аминь.

Приходяй же причастится, глаголи въ себѣ настоящія стихи Метафраста.

Се, приступаю къ Божественному причащенію.

Содѣтелю, да не опалиши мя приобщеніемъ:

Огнь бо еси, недостойныя попяляя.

Но убо очисти мя отъ всякія скверны.

Таже паки глаголи:

Вечери Твоя тайныя днесь, Сыне Божій, причастника мя приими: не бо врагомъ Твоимъ тайну повѣмъ, ни лобзанія Ти дамъ, яко Іуда: но яко разбойникъ исповѣдаю Тя: помяни мя, Господи, во царствіи Твоемъ.

Паки стихи сія:

Боготворящую Кровь, ужаснися, человекъ вѣче, зря.

Огнь бо есть, недостойныя попяляя.

Божественное Тѣло и обожаетъ мя и питаетъ.

Обожаетъ духъ, умъ же питаетъ странно.

Таже тропари.

Усладилъ мя еси любовію, Христе, и измѣнилъ мя еси Божественнымъ Твоимъ

раченіемъ: но попали Огнемъ невещественнымъ грѣхи моя, и насытитися еже въ Тебѣ наслажденія сподоби: да ликуя возвеличаю, Блаже, два пришествія Твоя.

Во свѣтлостехъ святыхъ Твоихъ, како вниду недостойный? аще бо дерзну совнिति въ чертогъ, одежда мя обличаетъ, яко нѣсть брачна; и связанъ изверженъ буду отъ Ангеловъ. Очисти, Господи, скверну души моя, и спаси мя, яко челоуѣколюбецъ.

Таже, молитву:

Владыко челоуѣколюбче, Господи Иисусе Христе, Боже мой, да не въ судъ ми будутъ Святая сія, за еже недостойну ми быти: но во очищеніе и освященіе души же и тѣла, и во обрученіе будущія жизни и царствія. Мнѣ же, еже прилѣплятися Богу, благо есть, полагати во Господѣ упованіе спасенія моего.

И наки: Вечери Твоея тайныя днесъ, Сыне Божій, причастника мя пріими: не бо врагомъ Твоимъ тайну повѣмъ, ни лобзанія Ти дамъ, яко Іуда: но яко разбойникъ исповѣдаю Тя: помяни мя, Господи, во царствіи Твоемъ.



Молитвы по Святомъ Причащеніи.

*Егда же получиши добраго Причащенія,
Животворящихъ таинственныхъ дарованій,
Воспой абіе, благодари вельми,
И сія тепль отъ души Богу глаголи:*

Слава Тебъ, Боже, слава Тебъ, Боже, слава Тебъ, Боже.

Также благодарственную сію молитву, 1.

Благодарю Тя, Господи Боже мой, яко не отринулъ мя еси грѣшнаго, но общника мя быти Святынь Твоихъ сподобилъ еси. Благодарю Тя, яко мене недостойнаго причаститися пречистыхъ Твоихъ и небесныхъ Даровъ сподобилъ еси. Но, Владыко, чловѣколюбче, насъ ради умерый же и воскресый, и даровавый намъ страшная сія и животворящая Таинства, во благоудѣяніе и освященіе душъ и тѣлесъ нашихъ, даждь быти симъ и мнѣ во исцѣленіе души же и тѣла, во отгнаніе всякаго сопротивнаго, въ просвѣщеніе очію сердца моего, въ миръ душевныхъ моихъ силъ, въ вѣру непостыдну, въ

любовь нелицемѣрну, во исполненіе премудрости, въ соблюденіе заповѣдей Твоихъ, въ приложеніе Божественныя Твоя благодати, и Твоего царствія присвоеніе: да во святыни Твоей тѣми сохраняемъ, Твою благодать поминаю всегда, и не кому себѣ живу, но Тебѣ, нашему Владыцѣ и благодѣтелю. И тако сего житія изнедѣ о надеждѣ живота вѣчнаго, въ присносущный достигну покой, идѣже празднующихъ гласъ непрестанный, и безконечная сладость зрящихъ Твоего лица доброту неизреченную. Ты бо еси истинное желаніе, и неизреченное веселіе любящихъ Тя, Христе Боже нашъ, и Тя поеть вся тварь во вѣки. Аминь.

Великаго Василия, 2.

Владыко, Христе Боже, Царю вѣковъ, и Содѣтелю всѣхъ, благодарю Тя о всѣхъ, яже ми еси подалъ благихъ, и о причащеніи пречистыхъ и животворящихъ Твоихъ Таинствъ. Молю убо Тя, Блаже и челолюбче: сохрани мя подъ кровомъ Твоимъ, и въ сѣни крилу Твоею: и даруй ми чистою совѣстію, даже до послѣдняго моего издыханія, достойно причащаться святыхъ Твоихъ, во оставленіе грѣховъ и въ жизнь вѣчную. Ты бо еси Хлѣбъ животный, источникъ святыхъ,

податель благихъ: и Тебѣ славу возсылаемъ, со Отцемъ и святымъ Духомъ, нынѣ и присно и во вѣки вѣковъ. Аминь.

Метафраста, 3, по стихомъ.

Давый пищу мнѣ Плоть Твою волею, Огнь сый и опаляяй недостойныя, да не опалиши мене, Содѣтелю мой: паче же пройди во уды моя, во вся составы, во утробу, въ сердце. Попали терніе всѣхъ моихъ прегрѣшеній. Душу очисти, освяти помышленія. Составы утверди съ костями вкушѣ. Чувствъ просвѣти простую пятерицу. Всего мя спривозди страху Твоему. Присно покрый, соблюди же, и сохрани мя отъ всякаго дѣла и слова душегубнаго. Очисти, и омой, и украси мя, удобри, вразуми, и просвѣти мя. Покажи мя Твое селеніе единого Духа, и не кому селеніе грѣха. Да яко Твоего дому входомъ причащенія, яко огня мене бѣжитъ всякъ злодѣй, всяка страсть. Молитвенники Тебѣ приношу вся святыя, чиноначалія же Безплотныхъ, Предтечу Твоего, премудрыя Апостолы, къ симъ же Твою нескверную, чистую Матерь. Ихже мольбы, благоутробне, пріими, Христе мой, и сыномъ свѣта содѣлай Твоего служителя. Ты бо еси освященіе, и единый нашихъ, Блаже, душъ и свѣтлость,

И Тебѣ лѣпоподобно, яко Богу и Владыцѣ, славу вси возсылаемъ на всякъ день.

Молитва иная.

Тѣло Твое святое, Господи Иисусе Христе, Боже нашъ, да будетъ ми въ животъ вѣчный, и Кровь Твоя честная, во оставленіе грѣховъ: буди же ми благодареніе сіе въ радость, здравіе и веселіе: въ страшное же и второе пришествіе Твое, сподоби мя грѣшнаго стати одесную славы Твоея, молитвами Пречистыя Твоея Матере, и всѣхъ Святыхъ.

Молитва иная, ко Пресвятѣй Богородицѣ.

Пресвятая Владычице, Богородице, свѣте помраченныя моея души, надеждо, покрове, прибѣжице, утѣшеніе, радование мое! благодарю Тя, яко сподобила мя еси недостойнаго, причастника быти пречистаго Тѣла, и честныя Крове Сына Твоего. Но рождшая истинный Свѣтъ, просвѣти моя умныя очи сердца: Яже источникъ безсмертія рождшая, оживотвори мя, умерщвленнаго грѣхомъ: Яже милостиваго Бога любоблагоутробная Мати, помилуй мя, и даждь ми умиленіе, и сокрушеніе въ сердцѣ моемъ, и смиреніе въ мыслехъ моихъ, и воззваніе въ плѣненіихъ помышленій

моихъ: и сподоби мя, до послѣдняго издыханія, неосужденно пріимати пречистыхъ Таинъ освященіе, во исцѣленіе души же и тѣла, и подаждь ми слезы покаянія и исповѣданія, во еже пѣти и славити Тя, во вся дни живота моего: яко благословенна еси во вѣки. Аминь.

Таже.

Нынѣ отпущаеши раба Твоего, Владыко, по глаголу Твоему съ миромъ, яко видѣста очи мои спасеніе Твое, еже еси уготовалъ предъ лицемъ всѣхъ людей, свѣтъ во откровеніе языковъ, и славу людей Твоихъ, Израиля.

Посемъ: *Достойно есть: Трисвятое. И по Отче нашъ:*

Тропарь святому Іоанну Златоустому, гласъ 8.

Устъ Твоихъ, якоже свѣтлость огня возсіявши благодать, вселенную просвѣти; не сребролюбія мірови сокровища сниска, высоту намъ смиренномудрія показа. Но твоими словесы наказуя, отче Іоанне Златоусте, моли Слова Христа Бога, спастися душамъ нашимъ.

Слава: Кондакъ, гласъ 6.

Отъ небесъ пріялъ еси Божественную благодать, и Твоими устнами вся учиши

покланяться въ Троицѣ единому Богу, Іоанне Златоусте, всеблаженне, преподобне, достойно хвалимъ тя, еси бо наставникъ, яко Божественная являя.

И мытъ:

Предстательство Христіанъ непостыдное, ходатайство ко Творцу непреложное, не презри грѣшныхъ моленій гласы: но предвари, яко благая, на помощь насъ, вѣрно зовущихъ Ти: ускори на молитву, и потщися на умоленіе, предстательствующи присно, Богородице, чтущихъ Тя.

Аще же будетъ Святаго Василия литургія:

Тропарь Св. Василию, гласъ 1.

Во всю землю изыде вѣщаніе твое, яко приѣмшую слово твое, имже боголѣпно научилъ еси, естество сущихъ уяснилъ еси, человѣческія обычай украсилъ еси, царское священіе, отче преподобне, моли Христа Бога, спастися душамъ нашимъ.

Слава: Нондакъ, гласъ 4.

Явился еси основаніе непоколебимое Церкви, подая всѣмъ некрадомое господство че-

ловѣкомъ, запечатлѣя Твоими велѣньми,
небоявленне Василіе, преподобне.

И нынѣ: Предстательство христіанъ:

Господи помилуй, 12.

Слава и нынѣ:

Честнѣйшую Херувимъ, и славнѣйшую
безъ сравненія Серафимъ, безъ истлѣнія Бога
Слова рождшую, сущую Богородицу, Тя
величаемъ.

и

Отпустъ.

